

四庫全書

史部

欽定四庫全書

史部

資治通鑑外紀卷

五
七

詳校官修撰

臣

錢 榮

刑部郎中

臣

許兆椿覆勘

總校官降調編修

臣

倉聖脉

校對官編修

臣

蔡廷衡

謄錄監生

臣

楊元吉

欽定四庫全書

資治通鑑外紀卷五

宋 劉 恕 編

周紀三

起止章教詳盡玄默
攝提格凡三十三年

襄王

元年春宋桓公薨太子襄公茲父立 夏王使宰周公
致胙於齊桓公曰以爾自卑勞無下拜桓公召管子而
謀管子曰為君不君為臣不臣亂之本也桓公懼遂下

拜升受命賞服大輅龍旗九旒渠門赤旂秋桓公盟諸
侯于葵丘諸侯束牲載書而不歃血初命曰誅不孝無
易樹子無以妾為妻再命曰尊賢育才以彰有德三命
曰敬老慈幼無忘賓旅四命曰士無世官官事無攝取
士必得無專殺大夫五命曰無曲防無遏糴無有封而
不告桓公兵出而大功十二東夷西戎南蠻北狄中國
諸侯莫不賓服兵車之會六乘車之會三諸侯甲不解
累兵不解翳弢無功服無矢寢武事行文道 晉獻公

將如會病行後未至遇宰周公曰齊侯輕致諸侯而重
遣之使至者勸而叛者慕吾聞之惠難偏也施難報也
不偏不報卒於怨讐後之會將在東矣君弟毋會無如
晉何公乃還宰孔謂其御曰晉侯將死矣不量齊德之
豐否不度諸侯之勢釋其閉修而輕於行道失其心矣
晉獻公病甚謂荀息曰奚齊年少諸大臣不服恐亂起
子能立之乎荀息曰能乃以荀息主國政九月公薨里
克將殺奚齊先告荀息曰三公子之徒將殺孺子荀息曰

有死而已克曰子死孺子立可也子死孺子廢焉用死
息曰昔君問臣事君於我我對以忠貞曰力有所能無
不為忠也莖死者養生者死人復生不悔生人不愧貞
也吾言既往矣雖死焉避之平鄭曰我死狄以動之援
秦以揺之立其薄者可以得重賂厚者可使無入國誰
之國也里克曰義者利之足也貪者怨之本也夫孺子
豈獲罪於民以驪姬之惑盡君而誣國人讒羣公子而
奪之利殺無罪以為諸侯笑百姓藏惡于心中如壅大

川潰而不可救禦也是故將殺奚齊而立子之在外者以定民弭憂於諸侯且為援國可以固今殺君而賴其富貴且反義不可常也冬十月里克奚齊于次次荀息將死之人曰不如立其弟荀息立卓子而莒獻公十一月里克殺卓子鞭殺驪姬于市荀息死之君子曰不食其言矣里克及平鄭使屠岸夷告公子重耳于狄曰子盍入乎舅犯勸重耳不行重耳出見使者曰負父之命出奔父死不得修人子之禮重耳何敢入呂甥卻稱使

蒲城午告公子夷吾於梁曰子厚賂秦人以求入吾主
子夷吾告冀芮曰非亂何入非危何安盡盡國以輅外
內夷吾出見使者再拜稽首許諾呂甥告大夫請君于
秦乃使梁由靡告于秦穆公穆公使公子摯弔重耳於
狄許之為後不從又使摯弔夷吾于梁夷吾告冀芮曰
秦人勤我矣出見之曰里克與我吾命之汾陽之之田
百萬平鄭與我吾命之負蔡之田七十萬君苟輔我
忘人苟入且入河外列城五請納黃金四十鎰白玉之

珩六雙於左右公子縶反穆公曰重耳不役為後吾與之也縶曰不如置不仁以猾其中可以進退穆公發兵納夷吾于晉齊桓公討晉亂至高梁使隰朋會秦俱入夷吾為晉君是為惠公穆公問惠公于冀芮對曰夷吾戲不過所復怒不及色出亡無怨于國而衆安之君子曰善以微勸也是時周室微唯齊楚秦晉為彊秦穆公僻遠不與諸夏會盟楚成王初收荊蠻夷狄自置晉國內亂獨齊伯中國桓公能宣其德諸侯賓服而欲封

禪管仲曰古者封泰山禪梁父者七十二家皆受命然
後得封禪桓公曰寡人北伐山戎過孤竹西征攘白狄
至于西河方舟濟河至石枕懸車束馬踰太行與辟耳
谿拘夏西服流沙西吳南伐至召陵登熊耳山以望江
漢三代受命何以異乎管仲睹桓公不可窮以辭因設
之以事曰古之封禪遠方珍怪之物不召而自至者十
有五焉今鳳凰麒麟不來嘉穀不生蓬蒿藜莠茂嶋梟
數至而欲封禪無乃不可乎桓公乃止 桓公將飲管

仲掘新井而柴焉十日齋戒管仲至公執爵夫人執尊
觴三行管仲出鮑叔隰朋趨及于途曰公怒管仲反入
公不與言進傳堂曰仲父不告寡人而出何也對曰沈
於樂者反于寡厚於味者薄於德公曰仲父年長寡人
亦衰願一朝安仲父也對曰壯而怠則失時老而解則
無名順天之道必以善終君奈何偷乎公再拜送之明
日管仲朝公曰願聞國君之信對曰民愛之鄰國親之
天下信之公曰信安始而可對曰始于為身中于為國

成於為天下管仲曰黃帝立明臺之議堯有衢室之問
舜有告善之旌禹立建鼓于朝湯有總街之庭武王有
靈臺之復所以聽于人而主不蔽也公曰吾欲効而為
之對曰名曰噴室之議人有非上之過謂之正士

二年春狄滅溫蘇子奔衛蘇子已姓周司寇蘇忿生之
後畿內諸侯國于溫故曰溫子夏四月王使周公忌父
會齊秦大夫立晉惠公晉惠公使平鄭謝秦曰始夷
吾以河西地許君今大臣曰先君之地君亡在外何以

得擅許秦寡人爭之弗能得故謝秦亦不與里克汾陽
邑而奪之權與人誦之曰佞之見佞果喪其田詐之見
詐果喪其輅得之而徂終逢其咎喪田不懲禍亂其興
公以重耳為外畏里克為變賜死平鄭未還故不及難
惠公出共世子而改葬之臭達于外國人誦之曰貞
之無報也孰是人斯而有是臭也貞為不聽信為不誠
國斯無刑偷居幸生不更厥貞大命其傾威兮懷兮各
聚爾有以待所歸兮猗兮違兮心之哀兮歲之二七其

靡有徵兮若狄公子吾是之依兮鎮撫國家為王妃兮
郭偃曰君改葬共君以為榮也而惡滋章十四年君之
冢嗣其替乎其數告於民矣公子重耳其入乎其魄兆
於民矣若入必伯諸侯以見天子其光耿于民矣 惠
公既殺里克而愧之曰芮也使寡人過殺我社稷之鎮
郭偃曰冀芮不謀而諫不忠君不圖而殺不祥不忠受
君之罰不祥羅天之禍受君之罰死戮罹天之禍無後
將及矣 平鄭在秦聞里克誅謂穆公曰君厚問召呂

甥卻稱冀芮而止之以師奉仲耳臣之屬內作晉君必
出公使冷至報問召三大夫平鄭見共華曰可以入乎
曰二三子皆在外而不及子使於秦可哉平鄭入冀芮
曰秦使誘我弗殺必作難遂殺平鄭共賜謂共華曰子
行乎其及也華曰夫子之入吾謀也知而背之不信謀
而困人不智困而不死無勇子其行矣我姑待死惠公
殺七輿大夫共華賈華叔堅驪欬累虎特宮山祁皆里
平之黨也平之于豹奔秦謂穆公曰晉君大失其衆其

黨半國矣伐之必出公曰禍惟無斃勝敗若化以禍為
違孰能出君而俟我

三年春王使召武公及內史過賜晉惠公命呂甥卻芮
相不敬晉侯執玉卑拜不稽首內史過歸告王曰晉君
不亡必無後必卻將不免晉侯非嗣也而得位若廣其
心而遠其鄰陵其民而卑其上將何以固守大臣弗諫
而阿亦必及焉 夏太叔帶召楊拒泉臯伊洛之戎同
伐京師入王城焚東門秦晉伐戎以救周秋晉惠公卒

戎於王 冬楚伐黃 是歲雨金于晉

四年夏楚滅黃 王討太叔帶狄帶奔齊 是歲陳宣
公薨太子穆公欽立 星晝墜於秦有聲

五年夏淮夷病杞 秋為狄難齊桓公帥諸侯戍周

冬晉饑乞糴于秦平豹曰晉已失人又失天君其伐之
勿予糴穆公曰補乏薦饑道也不可廢道于天下公孫
枝曰不若予之以說其衆衆說必咎其君其君不聽然
後誅焉故汜舟于河歸糴於晉

六年春諸侯城緣陵而遷杞齊桓公與車百乘甲一千
秋八月辛卯晉沙鹿崩 冬秦饑晉惠公令河上輸之
粟虢射曰弗與賂地不若勿予慶鄭曰已賴其地又受
其實忘善背德秦必擊我公曰非鄭所知也不予是
歲蔡穆侯薨于莊公甲午立

七年春楚伐徐三月諸侯救徐 夏五月日有食之
秋齊伐厲 秦侵晉至於韓惠公謂慶鄭曰秦寇深矣
慶鄭曰君深其怨能淺其寇乎卜右慶鄭吉公曰鄭也

不遜弗使公孫枝諫穆公曰君不置德而置服擊而不
勝其若諸侯笑何君盍待之穆公曰殺其內主背其外
賂彼塞我施若有天吾必勝之揖大夫就車君鼓而進
之晉師潰戎馬淳而止公號慶鄭曰載我慶鄭曰忌善
而背德又廢吉卜何我之載遂止于秦穆公歸至王城
舍大夫而謀曰殺晉君與逐出之與以歸之與復之孰
利公子縶曰殺之利逐之恐搆諸侯以歸則國家多慝
復之則君臣合作恐為君寡公孫枝曰恥大國之士於

中原又殺其君以重之臣子思報君父之仇讐天下孰弗
惠公子繫曰吾豈將徒殺之將以重耳代之戰勝大國
武也殺無道立有道仁也勝無後害智也公孫枝曰殺
其弟而立其兄兄德我而忘其親不可謂仁若弗忘是
再施不遂也不可謂智不若歸之要晉國之成質其適
子使子父代處秦國可以無害穆公從之郭偃曰衆口
禍福之門君子省衆而動監戒而謀謀度而行故無不
濟 魯震夷伯之廟 冬宋伐曹 楚敗徐于婁林晉

呂甥逆君於秦穆公訊之對曰小人怨而不思願從其
君而報秦君子則否曰能納之能執之則能釋之惠莫
大焉穆公曰然乃改館晉君十一月惠公歸蛾析謂慶
鄭曰君將來子何俟慶鄭曰將待刑以快君志君若曰
來將獨伐秦不得君必死之公至於絳郊使家僕徒召
之曰鄭猶在乎慶鄭曰徒刑以成君政君曰刑之慶鄭
曰君雖弗刑必自殺也蛾析曰奔刑之臣不若舍之以
報秦讐梁由靡曰我能行之秦豈不能成而反之不信

失刑亂政不威不若刑之公曰斬鄭無使自殺司馬說
進士三軍之士而數慶鄭曰韓之誓曰失次犯令死將
止不面夷死偽言誤衆死慶鄭曰有人能坐待刑而不
能面夷趣行事乎丁丑斬慶鄭公乃入絳秦伯始知河
東之政 是歲晉饑秦又饑之粟 齊管仲寢疾桓公
往問之曰仲父之疾甚矣寡人將屬國於鮑叔牙何如
管仲夷吾吾善叔牙君子也千乘之國不以其子之不
受也清廉潔直視不已若者不比於人一聞人之過

終身不忘不可以為政桓公曰然則孰可管仲曰隰朋
可朋之為人醜不若黃帝而哀不已若者堅中而廉
外少欲而多信居其家不忘公居公不忘其家事君不
二其心亦不忘其身動必量力舉必量技公又問曰不
幸而失仲父二三大夫者能以國寧乎管仲曰鮑叔好
直賓胥無好而皆不能以國絀寧戚能事而不能以足
息孫在善言而不能以信黜臣聞消息盈虛與百姓絀
信然後能以國寧勿已者朋其可乎言終喟然而嘆

曰天之生朋為夷吾舌也其身死舌焉得生哉管仲曰
江近於楚君必歸之不歸則不可不救救之亂自此始
矣桓曰諾管仲又言曰易牙以調和事公公曰惟蒸嬰
兒之味未嘗於是烝其首子而獻之子之不愛將何有
於公公喜宮而妬豎刁自刑而為公治內身之不愛將何
有于公公子啓方去其千乘之太子而臣事君是其得
於君者過其千乘齊衛之間不過數日之行而十五年
不歸視其親願君之遠易牙豎刁豎方及常巫也桓公

曰善初管仲遇盜取二人焉上以為公臣曰其所與將
辟也可人也管仲卒桓公使為之服後十年隰朋亦卒
齊遵管仲之政常彊於諸侯桓公憎四子而廢之逐易
牙而五味不至逐豎刁而宮中亂逐公子啓方利言卑
辭不在側而朝不治逐常巫而苛病起桓公曰聖人固
有悖乎乃復反四子

劉恕曰管氏之書大抵審輕重法度持度量權衡以
鹽鐵錢幣粟帛馬牛金珠玉通商賈明券契以籠天

下之權致鄰國之弱盡地利以成富彊完兵械以臨
不服賞罰防禁以全威勢號令表儀以定毀譽仗王
室之義為諸侯之長操督責絕利孔其術類商鞅其
言如韓非其寬厚曠大則過之固非王者之佐矣管
仲始困時與鮑叔分財多自予曰鮑叔不以我為貪
知吾貧也夫富盛而廉渝則民斯下矣貧窶而貪常
人不學而能也君子固窮絜身遠利守死善道則異
於是鮑叔仰伯國之才而忘其貪污之行故天下不

多管仲之賢而多鮑叔能知人管仲之德蓋不及其才也

八年春閔石于宋五六顛退飛過宋都夏齊伐厲
狄狄侵晉取孤廚受鐸昆都王以戎難告于齊齊桓
公徵諸侯戍周魯近世政衰國事多廢僖公能遵伯
禽之法養四種之馬牧于坰野是歲冬會諸侯於淮上
謀東略未幾遂伐淮夷修姜嫄之廟復魯舊制是歲
晉惠公畏其足重耳使宦者勃鞞與壯士如狄殺之重

耳聞之謀於趙衰狐偃等偃曰吾來此非以狄可成事
以奔而易達困而有資可以戾也戾久將底盍速行乎
不適齊楚避其遠也蓄力一紀可以遠矣齊侯長矣而
欲親晉管仲殁矣求善以終茲可以親皆以為然乃行
過五鹿飢而從野人吃食野人盛土器中進之重耳怒
子犯曰民以土服又何求焉十有二年歲在鶉尾其有
此土復于壽星必獲諸侯天之道也再拜稽首受而載
遂適齊齊桓公妻之甚善焉重耳曰民生安樂誰知其

佗將死於齊九年春齊伐英氏 夏晉太子圉質于

秦秦歸河東而妻之 魯滅項或云齊滅之 齊桓之

夫人三皆無子公多內寵如夫人者六人長衛共姬生

公子無虧是謂武孟少衛姬生惠公元鄭姬生孝公昭

葛嬴生昭公湣密姬生懿公商人宋華子生公子雍公

與管仲屬太子昭于宋襄公雍巫易牙有寵于衛姬因

豎刁厚獻于公亦有寵公許之立無虧管仲卒五公子

皆求立易牙豎刁常巫衛公子啓方作難圍公一室不

得出冬十月有婦人從竇入至公所公曰吾飢渴欲食
飲而不可得婦人曰易牙豎刁常巫巫啓方四人分齊國
塗十日不通啓方以書社七百下衛矣公曰嗟乎聖人
之言若死者有知何面目見仲父於地下乃援素幘裹
首而入易牙豎刁因內寵以殺羣吏立公子無虧太子
昭奔宋公子各樹黨爭立相攻宮中空莫敢棺桓公尸
在牀上六十七日蟲出于戶十二月乙亥赴辛巳夜殯
十年春宋襄公帥諸侯伐齊納公子昭三月齊人殺無

虧將立昭四公子之徒攻昭而與宋人戰夏五月宋敗
四公子師而立昭是為孝公秋八月葬桓公

晉子犯知齊之不可動患重耳之安齊與從者謀姜氏
謂重耳曰自子之行晉無寧歲民無成君天未喪晉子
其勉之重耳曰吾不動矣必死于此姜曰齊國之政敗
矣晉之無道久矣從者之謀衆矣時日及矣公子幾矣
子必速行重耳弗聽姜與子犯謀醉而載之以行醒以
戈逐子犯曰若無所濟吾食舅氏之肉舅犯走且對曰

若克有成公子其甘食晉之柔嘉偃之肉腥臊將焉用
之遂行過衛 冬邢及狄伐衛衛文公師於訾婁狄師
還 衛公有邢狄之虞不能禮晉重耳甯莊子曰康叔
文之昭也唐叔武之穆也周之大功在武天祚將在武
族武族唯晉實昌晉胤公子實德晉之守祀必公子也
若復而獲諸侯以討無禮小人是懼敢不盡心弗聽重
耳自衛過曹曹共公亦不禮焉僖負羈諫曰晉公子生
十七年而亡卿材三人從之不可不禮也公不從重耳

過宋與司馬公孫固相善固言於襄公曰晉公子亡長
幼矣好善不厭孤偃惠以有謀趙衰文以忠貞賈佗多
識以秦敬此三人者實左右之公子居則下之動則諮
焉殆有禮也襄公贈以馬二十匹重耳過鄭鄭文公不
禮焉叔詹諫曰親有天用前訓禮兄弟資困窮天所福
也棄此以徼天禍無乃不可乎弗聽叔詹曰若不禮請
殺之亦不從重耳遂如楚楚成王以周禮亨之九獻庭
實旅百重耳欲辭子犯曰天命也君其饗之令尹子玉

請止狐偃王曰曹詩曰彼已之子不遂其媾邾之也效邾非禮也

十一年春宋襄公執勝宣公嬰齊自滕叔繡至宣公十七世矣夏宋使邾文公用鄆子於次睢之社鄆夏後姒姓秋衛大旱伐邢師興而雨宋圍曹冬梁伯溝公宮曰秦將襲我民懼而潰秦遂取梁

十二年夏鄭入滑滑伯爵姬姓冬楚伐隨是歲秦滅芮

十三年夏魯大旱 秋宋襄公會諸侯於孟楚成王執
宋公以伐宋冬會於薄以釋之 邾滅須句須句子奔
魯 是歲鄭伐滑王使游孫伯請滑鄭人執之王怒將
以狄伐鄭富辰曰鄭在天子兄弟也武莊有大勲力於
平桓不可以小怨置大德棄親即狄王不聽

十四年春魯伐邾取須句 夏宋伐鄭 初平王東遷
辛有適伊川見被髮祭於野者曰不及百年此其戎者
禮先亡矣秋秦晉遷陸渾之戎於伊川 晉太子圉在

秦聞惠公病曰吾母家在梁秦滅之我外輕於秦而內
無援於國君即不起大夫更立他公子乃謀與其妻俱
亡歸秦女不從亦不言圍遂逃歸 秦穆公重耳于於
楚楚成王厚幣以送於秦穆公歸女五人懷嬴與焉公
子使奉匱沃盥既而揮之嬴怒曰秦晉匹也何以卑我
重耳懼降服囚命穆公見重耳曰寡人之適此為才子
圍之辱備嬪嬙焉公子有辱寡人之罪也重耳欲辭司
空季子曰子於子圍道路之人也取其所棄以濟大事

不亦可乎子犯曰將奪其國何有於妻為秦所命從也
子餘曰將婚媾以從秦受好以愛之聽從以德之懼其
未可也又何疑焉乃歸女而納幣且逆之他日穆公享
重耳如享國君之禮子餘相如賓明日宴穆公賦采芣
子餘曰君以天子之命服命重耳敢不降拜子餘使重
耳賦黍苗子餘曰重耳之仰君也若黍苗之仰陰雨也
使成嘉穀薦在宗廟君之力也穆公曰豈專在寡人乎
穆公賦鵲飛公子賦河水穆公賦六月子餘使公子降

拜曰君稱所以佐天子匡王國者以命重耳重耳敢有
惰心 重耳親筮之曰尚有晉國得貞屯悔豫皆入筮
史占之曰不吉閉而不通又無為也司空季子曰在周
易皆利建侯不有晉國以輔王室安能建侯得國之卦
也吉孰大焉 襄王自齊召大叔帶復歸京師 八月
丁未邾敗魯於升陘 冬十一月己巳朔楚成王敗宋
於泓襄公傷股

十五年春齊伐宋 夏五月宋襄公病傷竟薨子成公

王臣立 秋楚伐陳取焦夷 九月晉惠公薨太子懷
公圍立 冬十一月杞成公薨弟桓公姑容立 十二
月晉大夫欒卻等聞重耳在秦陰勸令反國為內應者
甚衆 是歲王使黹叔桃子出狄帥伐鄭王德狄人將
以狄女為后富辰曰婚姻禍福之階利內則福外則取
禍王不忍小忿而棄鄭又登叔隗以階狄封豕豺狼不
可厭也王不聽

十六年春正月秦繆公發革車五百乘疇騎二千步卒

五萬納重耳於晉晉人多附惟惠公貴臣發兵拒之及河重耳令籩豆茵席捐之面目黧黑手足胼胝者在後舅犯聞之中夜而哭重耳曰不欲吾反國乎對曰籩豆茵席所以養者而棄之臣聞國君樊士無所取忠臣大夫樊游無所取忠友臣在所樊之中故不勝哀也乃以璧授重耳曰臣過多矣請從此辭重耳曰禍福利害不與舅氏同者河伯視之投璧於河介子推笑曰天開公子而子犯要市於君固足羞也吾不忍與同位乃去而

隱董因迎重耳於河重耳問曰吾其濟乎對曰實沈之墟晉人是居今君當之必有晉國臣莖之得泰之八曰是謂天地配享小往大來且以辰出而以參入皆晉祥也必伯諸侯重耳涉自河曲懷公奔高梁二月壬寅重耳入於晉師丙午入於曲沃丁未入絳即位於武宮是為文公戊申殺懷公於高梁呂甥冀芮畏逼悔納文公謀作亂將焚公宮欲公出救火而弑之寺人勃鞞求見公辭焉曰驪姬之讒爾射余於屏內困余於蒲城斬

余衣袂又為惠公從余於濱濱若干二命以求殺余對
曰君之德宇何不寬裕也余罪戾之人又何患焉君不
見我其無悔乎公遽出見之告以呂卻之謀公懼三月
乘驛自下脫會秦穆公於王城告之亂已丑公宮火二
子求公不獲遂如河上穆公誘而殺之文公逆夫人羸
氏以歸公屬百官賦職任功棄責薄斂施舍分寡救之
振滯匡困資無輕關易道通商寬農懋穡勸分省用足
財器明德以厚民性舉善援能官方定物正名育類類

昭舊族愛親戚明賢良尊貴寵賞功勞事耆老禮賓旅
友古舊胥籍狐箕欒郤栢先羊舌董韓實掌近官諸姬
之良掌其中官異姓之能掌其遠官政平民阜財用不
匱 初晉文公亡過曹從者里鳧須盜其資而亡公餒
不能行介子推割股以食之至是里鳧須請見曰臣能
安晉國公使人應之曰子何面目見寡人鳧須曰君沐
邪曰否鳧須曰沐者其心倒倒者其言悖今君不沐何
言之悖邪公聞而見之鳧須曰君去國久民臣多過君

反國民臣自危鳧須之為君賊大矣君誠赦其罪使之
驂乘游於國中百姓見之知君不念舊惡人自安矣文
公說而從之民臣皆曰里鳧須不誅吾何懼也 文公
之亡於狄狄人伐廩咎如獲其女納諸公子公子取季
隗以叔隗妻趙衰生盾至是衰之妻文公女趙姬請逆
盾與其母來以盾為才固請於公以為嫡子使其三子
同括嬰下之以叔隗為內子而已下之

劉恕曰讓天下之至德也勢位之際君子其猶病諸

趙姬不以文公為寵而以賢才為尚屈身庶孽以成
趙宗其後嬰以淫亂得罪同括懼譖刑戮文子長為
名卿趙氏益大於晉仲尼曰秦伯三以天下讓民無
得而稱焉趙姬知人而讓可謂賢矣

文公賞從亡者介子推從者懸書宮門曰有寵矯矯頃
失其所五蛇從之周流天下龍飢無食一蛇割股龍反
其淵安其壤土四蛇入穴皆有處所一蛇無穴號於中
野公曰嘻寡人之過也使人求之不得環縣上山而封

之號曰介山 晉從亡賤臣陶叔狄狐曰君三行賞不
及臣敢請罪文公報曰導我以仁義者受上賞援我不
得為非引我於賢人之門者受次賞矢石之難汗馬之
勞復受次賞若以力事我無補吾缺者三賞之後且及
子晉人聞之皆說 文公之理李離過聽殺人自拘當
死文公曰官有貴賤罰有輕重下吏有過非子之罪也
離曰臣居官為長不與吏讓位受祿為多不與下分利
有罪傳其下而畏死非義也公曰寡人亦有罪邪離曰

臣受印綬之日君命曰必以仁義輔政寧過於生無失
於殺臣受命不稱壅惠蔽恩君何過之有君以所私害
公法殺無罪而生當死二者非所以教於國也遂伏劍
而死 襄王使太宰文公及內史興賜晉文公命上卿
逆於境晉侯郊勞館諸宗廟饋九牢設庭燎及期命於
武宮設桑主布几筵太宰莅之晉侯端委以入太宰以
王命命冕服內史贊之三命而後即冕服既畢賓饗贈
餞如公命侯伯之禮而加之以晏好內史興歸以告王

曰晉君必伯逆王命敬奉禮義成王其善之使於晉者
道相逮也 周大叔帶通於狄后王黜之夏績叔桃子
奉帶以狄師攻王王出及坎欲國人納之秋績叔等復
以狄伐周大敗王師殺譚伯富辰曰昔吾驟諫王王弗
從以及此難若我不出王其以我為懟乎乃以其屬死
之狄入周王出適鄭處於汜帶以狄后隗氏居於溫冬
王遣使告難於晉秦魯

十七年春正月丙午衛滅邢 秦繆公師於河上將納

王子犯謂晉文公曰民親而未知義也君盍納王以教之義秦納之則失周矣何以求諸侯趙衰曰周晉同姓尊王晉之資也公說乃行賂草中之戎與麗土之狄以啟東道以二軍辭秦師而下三月甲辰次陽樊逆王夏四月丁巳王入於王城取叔帶於溫殺之於隰城戊午晉文公朝王王勞之以地辭請隧王曰天降禍災於周室以勤叔父而班先王之大物以賞私德叔父實應且憎以非余一人余一人豈敢有愛變前之大章以忝天

下其若先王與百姓何文公遂不敢請受南陽陽樊溫
原州陘締組攢茅之田陽人不服文公圍之將殘其民
倉葛呼曰陽樊懷我王德未從於晉謂君布德以懷柔
之今將大泯其宗祊蔑殺其人民宜吾不敢服也陽人
有夏商之嗣典周室之師旅樊仲之官守非官守則皆
王之父兄甥舅也若之何虐之公曰是君子之言也乃
出陽民 秋秦晉伐郤郤允姓 楚圍陳納頓子於頓
冬晉文公伐原令以三日之糧三日而原不降公䟽軍

而去之謀出曰不過一二日矣公曰信不可失乃去之
及孟門而原請降以趙衰為原大夫於是晉國苦奢文
公以儉矯之衣不重帛食不兼肉無幾人皆大布之衣
脫粟之飯是歲衛文公薨子成公鄭立

十八年春正月魯僖公會莒茲平公茲平公茲與期之
十一世孫也莒夷無諡以號為稱齊孝公侵魯西鄙
夏伐北鄙臧文仲欲以辭告病焉問於展禽對曰亂在
前矣辭其何益文仲曰國急矣百物唯其可者無不趨

也願以子之辭行賂焉展禽使乞喜以膏沐犒師齊侯
曰魯國何恃而不恐對曰昔者成王命我周公及齊太
公曰賜女土地質之以犧牲世世子孫無相害也君豈
貪壤地而棄先王之命孝公許平而還 衛伐齊 秋
楚滅夔以夔子歸 冬楚伐宋圍緡 魯以楚師伐齊
取穀

十九年夏齊孝公薨弟潘因衛公子啟方殺孝公子而
自立是為昭公 秋魯入杞 冬楚及諸侯圍宋宋告

急於晉狐偃曰若伐曹衛楚必救之則齊宋免矣于是
蒐于被廬先定其民總師諸侯接齊桓公為盟主然其
禮頗頗僭差又隨時苟合以求欲速之功不能克王制
矣 文公問元帥于趙衰對曰卻縠行年五十矣守學
彌惇不忘百姓之從之使縠將中軍以為大政命趙衰
為卿辭曰欒枝貞慎先軫有謀胥臣多聞皆可以為輔
佐臣弗若也使原季為卿辭曰三德偃之出也以德紀
民其章大矣使狐偃為卿辭曰毛之智賢于臣其齒又

長毛不在位不敢聞命以魏犢為右

二十年春正月晉文公率齊秦伐曹衛以救宋戊申取五鹿二月衛成公請盟晉弗許衛侯欲與楚國人弗欲出成公居于襄牛以說晉楚救衛不克 晉圍曹文公令人告僂負羈曰軍旅薄城吾知子不違也表其閭令軍勿犯曹人帥親戚而保其閭者七百餘家三月丙午晉入曹令無入僂負羈之宮魏犢顓頊執僂負羈氏魏犢傷于胷公欲殺之而愛其材乃舍之使斷顓頊之脊

以狗以舟之僞伐魏犢為戎右人皆懼曰顛頤有寵况
于我乎乃無犯禁者晉國大治晉執曹共公分曹衛之
田以畀宋人夏四月己巳晉宋齊秦次于城濮陳于
莘北與楚子玉戰楚師敗績文公始伯退而有憂色曰
吾聞能以戰勝安者惟聖人若夫詐勝之徒未嘗不危
晉作王宮于踐土五月丙午晉獻楚俘於王己酉王
策命晉文公為侯伯衛成公聞楚敗奔楚遂適陳使
元喧奉叔武以受盟六月晉人復成公成公入前驅殺

叔武元喧奔晉成公與元喧訟不勝晉執成公歸之于
京師元喧歸于衛立公子瑕 晉文公召王狩于河陽
諸侯朝于王所 諸侯圍許 晉釋曹共公 是歲陳
穆公薨子共公朔立

二十一年秋魯大雨雹

二十二年春晉侵鄭 夏狄侵齊 晉文公請殺衛成
公王曰君臣無獄元喧雖直不可聽也為臣殺其君其
安庸刑余何私于衛侯晉人使醫酖成公不死醫亦不

誅臧文仲言于魯僖公曰衛君殆無罪刑五而已無有
隱者隱乃諱也有諸侯之請必免之君盍請衛君以示
親于諸侯且以動晉公說行王二十穀秋釋成公自是
晉聘魯加于諸侯一等爵同厚其好貨成公聞臧文仲
之為也使納賂焉辭曰外臣之言不越竟不敢及君

衛成公歸國殺元喧及公子瑕 九月甲午晉侯秦伯
圍鄭鄭人以名寶行成文公弗許曰予我詹而師還叔
詹固請往曰一臣可以救百姓而定社稷君何愛也鄭

人以詹子晉晉人將烹之詹曰天降鄭禍棄禮違親臣殺身贖國忠也乃就烹據鼎耳而疾號曰自今以往知忠以事君者與詹同乃命弗殺厚為之禮而歸之鄭文公使燭之武見秦穆公穆公與鄭人盟乃還晉亦去之初鄭文公有三夫人寵于五人皆以罪蚤死公怒逐羣子子于蘭奔晉事文公甚謹從公伐鄭求入鄭為太子公以告鄭鄭大夫石癸曰夫人子盡死餘庶子無如蘭賢晉以為請利孰大焉遂立蘭為太子

二十三年春晉文公解曹地以分諸侯魯僖公使臧文仲往重館人告曰諸侯莫不望分而欲親晉晉不以故班必親先者魯之班長而又先諸侯其誰望之從之獲地於諸侯為多反命請曰重館人之力也一言辟境其章大矣出而爵之 晉上軍狐毛卒使趙衰代之辭曰城濮之役先且居之佐軍也善臣之倫箕鄭胥嬰先都在乃使先且居將上軍文公曰趙衰三讓皆社稷之衛也秋蒐於清原作五軍以趙衰為卿將新上軍及子犯

卒蒲城伯請佐公曰趙衰三讓不失義乃使衰佐上軍
初晉饑公問救饑于箕鄭對曰信於君心則美惡不
踰信于名則上下不干信于令則時無廢功信于事則
民從事有業民知君心貧而不懼藏出如入何匱之有
公使為箕至是佐新上軍 文公伐鄴趙衰言所以勝
鄴公從之而克將賞趙衰衰曰君賞其末則騎乘者存
賞其本則臣聞之邾虎公召虎而賞之虎曰言之易行
之難臣言之者也公曰子無辭 文公學讀書于四季

三日曰吾不能行也咫聞則多矣對曰多聞以待能者
不猶愈也 文公謂郭偃曰始也吾以治國為易今也
難對曰君以為易其難將至矣君以為難其易將至焉
文公出田逐獸入大澤迷不知其所公問漁者曰道
安從出漁者曰鴻鵠保河海厭而徙于小澤必有九殄
之憂黿鼉保深淵厭而出之深渚必有羅網釣射之憂
君之至此何太遠也公曰善哉出澤謂從者曰記漁者
名漁者曰君尊天事地敬社稷固四國慈惠萬民薄賦歛

輕租稅則臣亦與焉何以爲名君若不敬四稷不固四
國外失禮于諸侯內逆民心一國流亡漁者雖得厚賜
不能保也遂辭不受曰君即歸國臣亦反漁所矣文
公田于虢遇一老父而問之曰子虛此故矣虢亡其有
說乎對曰虢君斷則不能諫則無與所以亡也公輟田
田而歸以告趙衰衰問其人安在公曰吾不與之來衰
曰古之君子聽其言而用其人今之君子聽其言而棄
其身哀哉晉國之憂也公召而賞之文公問於胥臣

曰吾欲使陽處父傳歡而教誨之能善之乎對曰是在
驩也賢將善而賢良贊之則濟可俟若有違賢教不入
何善之為公曰教無益乎對曰人生而學非學不入教
者因體能質而利之者也 白季使舍於冀野冀缺孺
其妻饁之敬相待如賓問之冀芮之子也與之歸復命
而進之文公曰其父有罪子何以知其賢對曰臣見其
不忘敬也恪于德以臨事其何不濟公使為下軍大夫
冬狄圍衛衛遷於帝丘

二十四年夏侵狄 冬晉文公薨子襄公驪立 秦襲

鄭是歲衛侵鄭 鄭文公薨太子穆公蘭立

二十五年春秦師過周左右免曹而下拜王孫滿言於
王曰秦必有譴入險而脫能無敗乎鄭已覺秦威滑而
還晉襄公怒曰秦侮我孤因喪破滑夏四月辛巳墨衰
發兵遮擊秦兵大破之于殽虜孟明視等三將 狄侵
齊 魯伐邾取訾婁秋復伐邾 狄伐晉八月戊子晉
敗狄於箕獲白狄子 冬魯僖公薨子文公興立 晉

陳鄭伐許 楚侵陳蔡遂伐鄭 晉侵蔡楚救之

二十六年夏四月晉伐衛六月戊戌取戚 衛伐晉

楚成王欲黜太子商臣而立王子職冬十月丁未商臣弑王而自立是為穆王

二十七年春正月秦孟明視伐晉二月晉襄公遇之趙衰佐中軍甲子敗秦於彭衙 魯夏父弗忌為宗烝時躋僖公宗有司曰非昭穆也曰我為宗伯明者為昭其次為穆有司曰宗廟之有昭穆也以次世之長幼而等

曹之親疎也自玄王及主癸莫若湯自稷及王季莫若
文武商周之然未嘗躋湯與文武為不踰也弗聽秋八
月丁卯大事于太廟躋僖公展禽曰夏父弗忌必有殃
犯順以逆易神之班僖又未有明焉而躋之皆不祥也
海鳥曰爰居止于魯東門之外三日臧文仲使國人
祭之展禽曰禘郊祖宗報五者國之典祀也社稷山川
之神及前哲令德之人天之三辰地之五行九州名山
川澤非是不在祀典今海鳥至而祀之難以為仁且智

矣夫廣川之鳥獸恒知避其災今茲海有災乎是歲海
多大風文仲曰信吾過也季子之言不可不法書以為
三箴 魯文公欲弛孟文子之宅使謂之曰吾欲利子
于外之寬者對曰署所以朝夕虔君命也臣立先臣之
署服其居服為利故而易其次是辱君命也不敢聞命
公弗取臧文仲曰孟孫善守矣公欲弛郈敬子之宅亦
如之對曰先臣惠伯以命于司里嘗禘烝享之所致君
胙者出入受事之幣以致君命者亦有數矣今命臣更

次于外無者違乎請從司徒以班徒次公亦不取 冬
晉宋陳鄭伐秦取汪及彭衙戎王聞秦穆公賢使由余
來觀由余其先晉人亡入戎能晉言穆公示以宮室積
聚由余曰使鬼為之則勞神人為之亦苦民古之有國
者未嘗不以恭儉失國者未嘗不以驕奢也穆公怪之
問曰中國以詩書禮樂法度為政然尚時亂戎夷無此
何以為治由余笑曰此乃中國所以亂也自上聖黃帝
僅以小治及其後世阻法度之威以責督于下下以仁

義怨望于上下交爭篡弑滅宗皆以此也夫戎夷上
含淳德以遇下下懷忠信以事上一國之政由一身真
聖人之治也穆公退而謂內史廖曰鄰有聖人敵國之
憂也廖曰戎王處辟陋之地未嘗見中國聲色君試遺
之女樂以奪其志戎王好樂必怠于政為由余請緩期
留而莫遣使其君臣有間乃可圖也穆公曰善與由余
曲席而坐傳器而食問其地形兵勢盡譽而后令內史
廖以女樂二八遺戎王戎王受而說之終歲淫縱牛馬

半死秦乃歸由余由余數諫不聽穆公使人間要之由
余遂去降秦穆公以客禮禮之拜為上卿問伐戎之形
二十八年春晉以諸侯伐沈沈如姓子爵夏秦繆公
伐晉取王官及郊封穀尸而還遂伯西戎用孟明也

秋雨螽于宋 楚圍江冬王師及晉伐楚救江

二十九年秋晉伐秦 楚滅江 是歲秦用由余謀伐戎

益國十二開地千里天子使召公過賀穆公以金鼓

三十年夏秦入郿 秋楚滅六 冬楚滅夔 晉陽處

父如衛舍于逆旅甯嬴氏嬴謂其妻曰吾求君子久矣
今乃得之舉而從之陽子道與之語及山而還曰吾見
其貌而欲之聞其言而惡之且剛而主能不本而犯怨
之聚也是故去之期年乃有賈季之難陽子死之 晉
新上軍帥中軍佐趙衰成子卒 是歲許僖公薨子昭
公錫我立

三十一年春晉舍二軍趙盾將中軍始為國政 夏秦
穆公薨有子四十人太子康公瑩立塋穆公于雍從死

者百七十七人 秋八月乙亥晉襄公薨太子夷臯少
晉人以難欲立長君趙盾遣使如秦逆公子雍

三十二年春魯伐邾三月甲戌取須句 夏四月宋成

公薨弟禦殺太子自立宋人殺禦立成公少子杵臼是

為昭公 秦康公送公子雍於晉太子夷臯母穆嬴立

夜抱太子號泣于朝趙盾患之乃背秦而立夷臯是為

靈公戊子敗秦于令狐 狄侵魯 冬徐伐莒

三十三年春晉歸匡戚之田于衛 夏秦伐晉取武城

秋王崩子頃王壬臣立

資治通鑑外紀卷五

欽定四庫全書

資治通鑑外紀卷六

宋 劉恕 編

周紀四

起昭陽單閼盡屠維
赤奮若凡四十七年

頃王

元年春二月葬襄王 三月楚伐鄭晉宋魯衛許救鄭
夏楚侵陳克狐邱 秋楚伐陳陳人敗之陳懼及楚
平是歲曹共公薨子文公壽立 燕襄公薨桓公立

二年春晉伐秦取少梁夏秦伐晉取北徵秦任望謂康公曰飢召兵疾召兵勞召兵亂召兵君築臺三年令荆將攻齊臣恐其以齊為聲而襲秦為實也不如備之戎東邊楚乃輟行

三年春楚再伐麋敗之秋鄭瞞侵齊遂伐魯長狄弟兄三人佚宕中國瓦石不能害冬十月甲午魯叔孫得臣敗狄于鹹獲長狄僑如射其目身橫九畝斷其首而載之眉見于軾

四年春邲伯薨 羣舒叛楚夏楚執舒子平及宗子遂
圍巢羣舒偃姓舒庸舒鳩之屬宗巢二國名 冬秦伐
晉取羈馬初趙宣子言韓厥于晉靈公以為司馬是役
也宣子使人以其乘車于行厥執而戮之衆咸曰韓厥
必不沒矣其主朝升之而莫戮其車其誰安之宣子召
而禮之曰事君者比而不黨軍事無犯犯而不隱吾言
女于君以是觀女女勉之臨長晉國非女其誰告諸大
夫曰二三子可以賀我矣吾舉厥也而中免于罪矣十

二月秦晉戰交綏秦師夜遁復侵晉入瑕厥韓萬玄孫子與之子也

五年夏邾遷于繹五月邾文公薨子定公獲且立是歲陳共公薨子靈公平國立楚穆王薨子莊王旅立六年春王崩子匡王班立邾伐魯魯伐邾齊昭公妃魯叔姬無寵子舍孤弱國人莫畏公弟商人自桓公死爭立不得陰交賢士附愛百姓夏五月昭公薨舍立秋七月乙卯夜商人弑舍自立是為懿公有星

李入于北斗

匡王

元年夏六月辛丑朔日有食之 晉伐蔡戊申入蔡秋
齊侵魯 冬十一月又侵魯遂伐曹入其郛 是歲蔡
莊公薨子文公申立

二年秋八月楚大飢戎伐其西南又伐其東南庸人帥
羣蠻以叛麋人帥百濮將伐楚楚師出百濮乃罷楚滅
庸 楚莊王即位三年不出號令沈湎于酒淫于聲色

令國中曰敢諫者死無赦伍舉入諫莊王左抱鄭姬右
抱越女坐鐘鼓之間伍舉曰願有進隱曰有鳥在南方
之阜三年不動不蜚不鳴何鳥也王曰三年不動將定
志意不蜚將長羽翼不鳴將覽民則雖無蜚蜚將冲天
雖無鳴鳴將駭人舉退吾知之矣居數月淫益甚大夫
蘇從曰食君厚祿愛死不諫非忠臣也乃入諫王曰若
不聞令乎對曰殺身以明君臣之願也臣聞好道者多
資糧好樂者多求而亡國亡無日矣臣敢以告王曰善

左執蘇從手右抽刀斷鐘鼓之懸明日聽政所進者五人所退者十人誅大臣五舉處士六任伍舉蘇從以政國人大說 宋昭公無道國人不附庶弟鮑賢而下士冬十一月甲寅昭公田于孟諸襄夫人王姬使帥甸攻而殺之立鮑是為文公晉趙盾請師伐宋靈公曰非晉國之隱也對曰宋人弑其君反天地而逆民則晉為民主而不修天罰將懼及焉公許之乃召軍吏而戒樂正令三軍鐘鼓必備趙同曰國有大役不鎮撫民而備鐘

鼓何也宣子曰伐備鐘鼓聲其罪也襲侵密聲為暫事也今宋人弑其君罪莫大焉明聲之猶恐其不聞也使告于諸侯治兵振旅鳴鐘鼓以至于宋晉靈公造九層臺費用千億令左右曰敢諫者死孫息曰臣能累十二棋加九鷄子其上孫息曰顏色定志意而為之左右皆懼公俯伏氣息不續曰危哉孫息曰復有危甚于此者九層之臺三年不成國用空虛戶口減少吏民叛亡鄰國興兵社稷一滅君何所望公即壞臺不作

三年春晉衛陳鄭伐宋責以弑君文公定立乃去 夏
四月齊伐魯 秋周甘斨敗戎于邲垂

四年春二月丁卯魯文公薨太子惡立 夏五月齊邴
黻閭職弑懿公于囿竹國人立桓公子元是為惠公

冬十月魯襄仲殺惡而立文公子倭是為宣公 莒自
紀公庶其以下為己姓不知誰賜之紀公多行無禮于
國愛少子季佗欲黜太子僕僕因國人弑紀公以其寶
奔魯國人立季佗是為厲公 魯宣公命季文子曰莒

太子不憚以吾故殺其君而以其寶來愛我甚矣為我
予之邑今日必授里革遇之而更其書曰為我流之于
夷今日必通明日有司復命公詰之僕人以里革對公
執之對曰毀則者為賊掩賊者為臧竊寶者為宄用宄
之財者為姦使君為姦藏者不可不去也臣違君命者
亦不可不殺也公曰寡人實貪非子之罪乃舍之是
歲秦康公薨子共公稻立

五年夏六月齊取魯濟西田 晉帥諸侯伐宋 秋楚

侵陳及宋晉救之遂伐鄭楚救鄭 冬晉侵崇伐鄭

六年春鄭伐宋二月壬子敗宋于大棘 秦伐晉圍焦

夏晉趙盾救焦遂及諸侯侵鄭楚救鄭 晉靈公虐

趙盾諫不從 秋九月乙丑趙穿弑靈公逆文公子黑

臀于周而立之是為成公 是歲王崩弟定王瑜立

定王

元年春晉伐鄭 楚莊王伐陸渾之戎遂至洛觀兵于

周郊王使王孫滿勞之楚莊王問鼎大小輕重對曰在

德不在鼎莊王曰楚國折鉤之喙足以為九鼎夏楚

侵鄭曹伐宋秋宋圍曹冬鄭穆公薨太子靈公夷

立

二年春魯伐莒取向夏鄭子公子家弑其君夷立夷

弟堅是為襄公諡夷曰幽公冬楚伐鄭是歲秦共

公薨子桓公榮立

三年冬楚伐鄭晉救鄭伐陳晉嘗伐楚三舍不止大夫

請擊之莊王曰先君之時晉不伐楚及孤之身而晉伐

楚是寡人之過如何其辱諸大夫大夫曰君之時晉不
伐楚及臣之身而晉伐楚是臣之罪也請擊之莊王俛
泣而起拜諸大夫晉聞之曰君能下其臣而君臣爭以
過為在已上下一心未可攻也乃夜還師 莊王罷朝
而晏樊姬問其故王曰且與賢相語不知日之晏也樊
姬曰為誰王曰虞丘子樊姬掩口而笑王問之對曰妾
非不欲專貴擅愛以為傷王之義也故所進與妾同位
者數人今虞丘子為相十年未嘗進一賢知而不進是

不忠也不知是不知也安得為賢明日王以樊姬之言告之虞丘子稽首曰如樊姬之言于是辭位曰臣為令尹國不加治獄訟不息處士不升淫禍不討久固祿位妨羣賢路臣竊選國俊下里之士曰孫叔敖多能無欲可授之政莊王曰子輔寡人令行絕域奈何去之虞邱子固辭王許之賜菜田三百號曰國老

劉恕曰聖人因人而成大功愚者貪權而忌勝已虞丘子悟樊姬之一言薦孫叔敖而莊王伯天下謂之

賢相可也奚獨楚哉

孫叔敖代虞丘子為令尹狐丘丈人麕皮白冠來弔曰
身已貴而驕人者民去之位已高而擅權者君惡之祿
已厚不知足者怨處之孫叔敖曰願聞餘教丈人曰
位高而意益下官大而心益小祿厚而施益博謹此三
者足以治楚矣或云叔敖沈尹筮相與友叔敖游郢三
年聲晦不知修行不聞沈尹筮曰令人主上至于王下
至于伯我不若子接俗說義調均以適主心子不如我

沈尹筮游郢五年楚王欲以為令尹讓曰期思鄙人孫叔敖聖人也王必用之王乃使人以王輿迎叔敖為令尹叔敖施教導民政緩禁止吏無姦邪盜賊不起民皆樂其生不教而從化故三得相而不喜知其材自得之也三去相而不悔知非己之罪也莊王盡傳境內之勞與諸侯之憂于叔敖遂伯天下功迹著乎竹帛傳乎後世莊王問于孫叔敖曰寡人未得所以為國是也孫叔敖曰國之有是衆非之所惡臣恐王之不能定王曰

不定獨在君乎亦在臣乎孫叔敖曰國君驕士曰士非
我無道貴富士驕君曰國非士無道安彊人君失國而
不悟士饑寒而不進君臣不合國是無道定矣桀紂以
合其取舍者為是不合者為非故亡而不知王曰願相
國與士大夫共定國是寡人豈敢以褊國驕士民哉
莊王好田獵弋射大夫諫曰晉楚敵國也楚不謀晉晉
必謀楚王無乃耽于樂乎王曰吾獵以求士也榛藂刺
虎豹者吾知其勇也攬犀搏兕者吾知其勁有力也罷

田而分吾知其仁也因是道也而得三士焉楚國以安
四年春晉衛侵陳 秋赤狄伐晉

五年夏齊魯伐萊子爵 赤狄侵晉 是歲河徙

燕桓公薨宣公立

六年夏白狄會晉伐秦晉獲秦謀殺諸絳市六日而蘇
楚滅舒蓼 晉卻缺代趙宣子為政 秋趙朔佐下軍
朔盾子也 冬楚伐鄭 王使單襄公聘于宋遂假道
于陳以聘楚火朝覲矣道茀不可行野有庾積場功未

畢鐸宰不致餽司里不授館民將築臺于夏氏及陳靈公與孔寧儀行父南冠以如夏氏留賓不見單子歸告王曰陳侯不有大咎國必亡道路不可知田在草間功成而不收廢其教而棄其制蔑其官而犯其令將何以守國居大國之間其能久乎

七年秋魯取根牟東夷國也 滕昭公毛薨子文公繡立 晉成公與楚莊王爭強會諸侯于扈陳靈公畏楚不會晉以諸侯之師伐陳成公薨于扈子景公孺立

冬宋圍滕陳靈公行僻而言失泄冶曰陳其亡乎吾驟
諫君君不吾聽而愈失威儀夫人君不直其行不敬其
言未有能保王公之號垂顯令之名者也今君縱恣不
亡必弑靈公以泄冶為妖言而殺之 楚伐鄭晉救鄭
鄭敗楚師 是歲衛成公薨子穆公遯立

八年春齊歸魯濟西田 夏齊惠公薨子頃公立野立
陳靈公淫于夏姬其子徵舒弑公 六月宋伐滕

諸侯伐鄭 秋魯伐邾取繹 冬楚伐鄭晉救鄭逐楚

師諸侯戍鄭鄭子家卒國人討幽公之亂斷子家棺而逐其族改葬幽公諡曰靈是歲劉康公聘魯歸王問魯大夫孰賢對曰季孫行父仲孫蔑儉儉能足用族可以庇其長處魯乎叔孫僑如公孫歸父侈侈則不恤匱憂必及之人臣而侈國家弗堪亡之道也

九年春楚伐鄭夏楚侵宋冬楚莊王為夏氏亂陳欲伐之使人視之還報曰其城高溝深而畜積多寧國也王曰可伐陳小國而蓄積多必賦斂重而民怨上城

高溝深則民力殫矣王遂興兵伐陳謂陳曰無驚吾誅
徵舒而已遂入陳殺夏徵舒因縣陳申叔時謂莊王曰
王以賊弑君徵兵諸侯以義伐之已而利其地何以令
于天下莊王曰善乃迎陳靈公太子午于晉而立之是
為成公孔子讀史記至楚復陳曰賢哉莊王輕千乘之
國而重一言莊王使士亹傳太子審辭王曰賴子之
善善之也對曰善在太子太子欲善善人將至若不欲
善善則不用王卒使傳之問于申叔時叔時曰教之春

秋世詩禮樂令語故志訓典若是而不從動而不悛悛而不攝攝而不徹則導之忠信義禮孝事仁文武罰賞而明齊肅以耀之臨若是而不濟不可為也 莊王之
法曰羣臣入朝至門馬蹄踐雷者斬其輶而戮其御太
子犯令廷理斬輶戮御太子怒入見王泣曰為我誅廷
理王曰立法從令所以尊敬宗廟前有老主而不踰後
有儲主而不屬真吾守法之臣也益爵二級 令尹子
佩請飲莊王王許之而不往子佩曰臣有罪乎王曰聞

予具于强臺南望料山以臨方皇左江右淮其樂忘死
吾薄德之人不可以當此樂恐留而不能反也 莊王
以越政亂兵弱欲伐之杜子曰臣患知之如目也能見
百步之外而不自見其睫莊蹻為盜于境內而吏不能
禁此政亂也王兵敗于秦晉喪地數百里此兵弱也王
之弱亂非越之下此知之如目也王乃止 初莊王欲
伐晉使豚尹觀焉反曰其憂在上其樂在下賢臣沈駒
在焉不可伐也明年又使觀之反曰可矣沈駒已死諂

諛多在君之廬其君好樂而無禮其下危處以怨上上
下離心伐之民必先叛莊王從之

十年春楚莊王圍鄭三月克之而許之平六月晉救鄭
趙朔將下軍韓厥為司馬楚敗晉于邲將軍子重三言
而不當莊王歸過申侯之邑申侯進飯日中而王不食
申侯請罪王喟然嘆曰賢君有師者王中君有師者伯
下君羣臣莫若者亡我下君也羣臣又莫若吾恐亡也
且世不絕聖國不絕賢天下有賢而我獨不得何以食

為莊王見天不見妖地不出孽則禱于山川曰天其忘
余與 冬楚伐蕭宋蔡救蕭楚圍蕭蕭潰遂滅之 宋
伐陳衛救陳

十一年春齊伐莒 夏楚伐宋 秋赤狄伐晉

十二年夏晉伐鄭 秋九月楚圍宋將軍子重諫曰君
厨肉臭而不食尊酒敗而不飲三軍之士皆有飢色欲
以勝敵不亦難乎莊王曰請有酒投之士有食饋之賢
是歲曹文公薨子宣公廬立

十三年夏五月宋及楚平 六月癸卯晉敗赤狄辛亥
滅潞獲長狄僑如之弟焚如鄆瞞由是遂亡赤狄潞氏
隗姓 秋七月秦伐晉晉敗秦師 周室既衰暴君汚
吏慢其經界繇役橫作政令不信上下相詐魯宣公初
稅畝春秋譏焉于是上貪民怨災害生而禍亂作 冬
魯嫁生

十四年春晉滅赤狄甲氏及留吁鐸辰趙莊子問于狄
封人曰吾聞狄雨沙三日雨血三日馬生牛牛生馬信

乎曰然莊子曰妖足以亡國也對曰雨沙蜚風所飄也
雨血鷲鳥擊于上也馬生牛牛生馬雜牧也此非狄之
妖也莊子曰奚為妖對曰其國數散其君幼弱諸卿貨
大夫比黨百官肆斷而無告政令不竟而數變其士巧
貪而有怨此其妖也夏成周宣榭火冬晉使士會
聘于周王享之饋烝士會私于相禮原公曰吾聞王室
之禮無毀折今此何禮也王曰子弗聞乎禘郊之事則
有全烝王公立飲則有房烝親戚宴享則有饋烝唯戎

狄則有體薦坐諸門外而使舌人體委與之令叔父使士季修舊德以獎王室唯是先王之宴禮以貽女余一人敢設飫禘焉胡有孑然其効戎狄也士會不敢對而退歸乃講聚三代之典修執秩以為晉法

十五年春晉使卻克聘于齊齊頃公使婦人觀而笑之克怒歸請伐齊 秋八月范武子謂其子燮曰卻子之怒甚矣不逞于齊必發諸晉不得政何以逞怒干人之怒必獲毒焉余將致政以成其怒無以內易外也乃老

卻克為政 范文子莫退于朝武子曰何莫也對曰有
秦客廋辭于朝大夫莫之能對也吾知三焉武子怒曰
大夫非不能讓父兄也爾童子而三掩人于朝亡無日
矣擊之以杖折委筭 是歲蔡文公薨子景公固立
許昭公薨子靈公甯立

十六年春晉衛伐齊 秋邾人戕鄆子于鄆 楚莊王
薨子共王審立 魯宣公嘗夏濫于泗淵里革斷其罟
而棄之曰古者太寒降土蟄發水虞于是乎講眾留取

名魚登川禽而嘗之寢廟行諸國助宣氣也鳥獸孕水
蟲成獸虞于是乎禁罝羅鳥獸成水蟲孕水虞于是乎
禁罝羅蕃庶物也公聞之曰吾過而里革匡我是良畧
也為我得法使有司藏之師存侍曰藏畧不如寘里革
于側之不忘也 冬宣公薨子成公黑肱立

十七年春周劉康公伐茅戎三月癸未敗績于徐吾氏
十八年春齊伐魯取龍 衛侵齊夏齊敗衛 魯衛乞
師于晉以伐齊皆主卻獻子晉侯許之于是趙朔莊子

已卒樂書代將下軍六月壬申師于靡笄之下癸酉陳
于鞏卻克傷曰余病喙張侯曰三軍之心在此車也其
耳目在于旗鼓車無退表鼓無退聲軍事集焉吾子忍
之不可以言病受命于廟受脤于社甲冑而効死戎之
政也病若未死抵以解志三軍從之齊師大敗 秋七
月齊及晉盟使齊歸魯汶陽田 八月宋文公薨子共
公固立 九月衛穆公薨子定公臧立 晉師歸范文
子後入謂武子曰夫師卻子之師也其事臧若先則恐

國人之屬耳目于我也郤獻子范文子欒武子見景公
曰克也以君命命上軍之士上軍之士用命褒也受命
于中軍以命上軍之士上軍之士用命書也受命于上
軍以命下軍之士下軍之士用命 冬楚侵衛魯

十九年春晉帥諸侯伐鄭鄭敗晉于丘輿 夏鄭伐許
秋晉伐麇咎如討赤狄之餘麇咎如潰 冬十二月

甲戌晉作六軍韓厥為卿將新中軍 齊頃公朝晉郤
獻子曰寡君使克也不腆弊邑之禮為君之辱敢歸諸

下執政以整御人苗焚皇曰邵子勇而不知禮矜其伐而恥國君其與幾何齊頃公歸而弛苑囿薄賦斂不聽聲樂不食酒肉內愛百姓問疾弔喪外敬諸侯從會與盟卒終其身國家安寧

二十年冬十一月鄭師疆許田許人敗諸展陂鄭伐許取鉏任冷敦之田晉救許伐鄭取汜祭楚救鄭是歲鄭襄公薨子悼公費立燕宣公薨昭公立

二十一年夏梁山崩晉景公召伯宗絳人謂伯宗曰策

于上帝國三日哭以禮焉從之 伯宗朝以喜歸告其

妻曰吾言于朝諸大夫皆謂我智似陽子對曰陽子華而不實主言而無謀難及其身子何喜焉諸大夫莫子若也然民不能戴其上久矣難必及子盍亟索士整庇州犂焉得單陽及樂弗忌之難諸大夫害伯宗單陽送州犂于楚 冬十一月己酉王崩于簡王夷立 初吳周章卒子熊遂立卒子柯相立卒子彊鳩夷立卒子餘橋疑吾立卒子柯盧立卒子周繇立卒子屈羽立卒子

夷吾立卒子禽處立卒子轉立卒子頗高立卒子句卑
立卒子去齊立是歲去齊卒子壽夢立吳始益大壽夢
稱王吳之年始可紀

簡王

元年春二月魯立武公之宮為武世室 魯取鄆鄆附
庸也 三月晉衛鄭伊洛之戎陸渾蠻氏侵宋 夏四
月丁丑晉遷都新田亦謂之絳以絳為故絳 六月鄭
悼公薨弟成公膾立 秋魯侵宋楚伐鄭 冬晉救鄭

晉侵蔡楚救蔡

二年春吳伐邾邾已姓子爵 秋楚伐鄭諸侯救鄭

楚亡大夫申公巫臣在晉使其子狐庸為行人于吳教之射御導之伐楚吳始大通于上國

三年春晉使魯歸汶陽之田于齊 晉侵蔡遂侵楚

晉趙嬰通于趙朔之妻晉成公女莊姬其兄趙同趙括放嬰于齊莊姬譖之于景公曰同括將為亂欒卻為徵

夏六月討趙同趙括殺之朔子趙武從其母莊姬畜

于公宮以其田與祁奚韓厥言于景公曰成季之勲宣孟之忠而無後為善者懼矣乃立武而反其田焉

劉恕曰史記晉世家景公十七年誅趙同趙括復令庶子武為後其年及事與左氏畧同趙世家云晉景公三年屠岸賈攻趙朔趙同趙括趙嬰齊朔之父人程嬰匿趙氏孤兒武于山中十五年景公有疾與韓厥謀立趙武攻滅屠岸賈復與趙武田邑案左傳成二年晉景公之十一年欒書將下軍則于時朔已

死矣據此說殺趙同括後十五年乃立趙武而外傳
晉語趙文子冠見諸大夫皆不言趙氏復立惟郵無
正謂趙簡子曰昔先主文子少亶子難失趙氏之典
刑而去其師保基于一身以克復其所諸書多言程
嬰公孫杵臼之事不知其然乎晉趙世家與春秋內
外傳不相符合其說近誣

趙武冠見樂武子曰昔吾逮事莊王華則榮矣請務實
乎見中行宣子曰惜也吾老矣見范文子曰賢者寵至

而益戒不足者為寵驕故興王賞諫臣逸王罰之見卻
駒伯曰壯不若老者多矣見韓獻子曰成人在始與善
如草木之產也各以其物人之有冠猶宮室之有牆屋
也糞除而已又何加焉見智武子曰成子之文宣子之
忠事君必濟其可忘乎見苦成叔子曰抑年少而執官
者衆吾安容子見溫季子曰誰之不如可以求之見張
老而語之張老曰從樂伯之言可以滋范叔之教可以
大韓子之戒可以成智子之道善矣三卻亡人之言也

何稱述焉 冬晉魯伐鄭

四年楚共王曰孤有德于鄭使人來盟鄭成公私與之
盟 秋成公朝晉晉曰鄭私平于楚執之使欒書伐鄭
楚侵陳以救鄭 冬十一月楚伐莒戊申入渠丘庚申
莒潰楚遂入鄆 秦及白狄伐晉 鄭圍許 是歲齊
頃公薨子靈公環立

五年春衛侵鄭 三月鄭公子如立公子繻為君 夏
四月鄭人殺繻立成公太子髡頑子如奔許 晉景公

有疾 五月立太子州蒲為君會諸侯伐鄭辛巳晉歸鄭成公 六月丙午晉景公薨州蒲立是為厲公

七年夏狄侵晉 秋晉敗狄

八年春三月魯成公將朝周使叔孫僑如先聘且告見王孫說與之語說言于王曰叔孫享觀之幣薄而言謫殆請之也若貪陵之人來而盈其願是不賞善也且財不給王遂不賜禮如行人成公至仲孫蔑為介王孫說與之語說讓說以語王王厚賄之 劉康公成肅公會

晉厲公伐秦韓厥將下軍 夏五月丁亥晉以諸侯之
師敗秦于麻隧 曹宣公薨 秋公庶子負芻殺太子
而自立是為成公

九年秋八月鄭伐許敗還戊戌鄭復伐許庚子入其郛
九月衛定公有疾立子衎為太子 冬十月公薨太
子立是為獻公 是歲秦桓公薨子景公后立 莒渠
邱公朱薨厲公孫犁比公密州立

十年春晉會諸侯討曹成公執而歸諸京師 夏六月

宋共公薨少子平公成立 楚侵鄭及衛鄭侵楚取新
石 冬十一月許靈公畏鄭之逼請遷于楚辛丑楚遷
許于葉

十一年夏四月滕文公薨子成公原立 鄭伐宋宋敗
鄭于洧陂鄭敗宋于洧陵 衛伐鄭 晉厲公將伐鄭
使苦成叔及欒黶興齊魯之師范文子曰諸侯皆叛則
晉可為也唯有諸侯故擾擾焉諸侯難之本也得鄭憂
滋長焉用鄭卻至曰然則王者多憂乎文子曰我王者

乎寡德而求王者之功故多憂楚共王帥東夷救鄭晉
人欲爭鄭范文子曰能內睦而後圖外盍姑謀睦乎今
司寇之刀鋸日弊而斧鉞不行內猶有不刑而況外乎
唯厚德者能受多福無德而服者衆必自傷今勝荆與
鄭吾君將伐智而多力急教而重歛大其私暱奪諸大
夫田而益婦人諸臣之委室而徒退者將幾人戰若不
勝晉國之福也戰若勝其害將大盍無戰乎樂武子
曰韓邲箕之役晉有大眚三今我任晉國之政又以違

蠻夷重之雖有後患非吾所知也范文子曰晉國故大
恥君臣不相聽以為諸侯笑也六月甲午晦荆壓晉
軍厲公使擊之藥書請俟齊魯之師卻至曰楚師將退
我擊之必勝勝歸夫陳不違忌一間也南夷與楚來而
不陳二間也楚與鄭陳而不整三間也楚卒在陳而譁
四間也衆聞譁則必懼五間也鄭顧楚楚將顧夷夷莫
有關心不可失也公說敗楚師于鄢陵射共王中其目
藥書是以怨卻至楚師宵遁晉將穀范文子曰吾庸知

天之不授晉且以勸楚乎德福之基也無德而福隆猶
無基而厚墉也其壞無日矣 秋七月尹武公會諸侯
伐鄭晉以諸侯之師侵陳蔡曹人請于晉晉歸曹成公
魯叔孫僑如晉卻犇欲去季孟 九月晉人執季孫行
父魯成公使子叔聲伯如晉謝請季文子卻犇欲予之
邑弗受歸鮑國問之對曰若成叔家欲任兩國而無大
德少德而多寵位下而欲上政無大功而欲大祿皆怨
府也其君驕而多私勝敵而歸必立新家不因民不能

去舊非多怨民無所始其身不能定焉能與人邑 冬
十二月晉厲公使卻至告慶于周見卻桓公與之語卻
公告單襄公曰溫季曰微我晉不戰矣楚敗晉不知乘
我則強之戰而勝是吾力也若是而知晉國之政楚越
必朝吾曰子則賢矣抑晉國之舉也不失其次吾懼政
之未及子也曰昔荀伯自下軍之佐以政趙宣子未有
軍行而以政今欒伯自下軍往若佐新軍而升為政不
亦可乎襄公曰君子不自稱非以讓惡其蓋人故王天

下者必先諸民則能長利卻至僂天之功以為己力不亦難乎兵在其頸不可久也

十二年春正月鄭侵晉衛救晉侵鄭 夏五月尹武公單襄公及諸侯伐鄭 晉范文子反自鄢謂其宗祝曰以德勝者猶懼失之況驕泰乎君多私今以勝歸私必昭難必作吾恐及焉為我祈死先難為免 六月戊辰文子卒乙酉盟于柯陵單襄公謂魯成公曰晉將有亂其君與三卻當之晉侯視遠而足高目不在體目體不

相從何以能久郤氏晉之寵人也三卿五大夫可以戒懼矣今郤錡之語犯郤犇之語迂郤至之語伐犯則陵人迂則誣人伐則掩人誰能忍之雖齊國佐亦將與焉立於淫亂之國而好盡言以招人過怨之本也吾聞國德而鄰于不修必受其福今君偏于晉而鄰于齊齊晉有禍可以取伯 楚救鄭 冬十月諸侯伐鄭楚救鄭齊國佐惡慶克淫亂 十一月殺克以穀叛靈公與之盟而復之 鄢陵之戰晉獲楚王子發鉤藥書怨郤

至使發鈞告厲公曰郤至使勸楚王戰及齊魯之未至也微郤至王必不免公以告樂書書曰臣固聞之郤至欲為難使若成叔緩齊魯之師戰敗將納孫周事不成故免楚王今君若使之于周必見孫周郤至聘于周公使覘之見孫周厲公即位以來南伐楚東伐齊西伐秦北伐燕兵行天下而無所繼威服四方而無所詘遂合諸侯于柯陵氣充志驕淫侈無度暴虐萬民伐智而多功怠教而重飲大其私暱內無輔拂之臣外無諸侯之

助戮殺大臣親近導諛 十二月使胥之昧夷羊五刺
卻至卻犂卻錡錡謂至曰君不道于我以吾宗党夾而
攻之雖死必敗君必危卻至曰武人不亂智人不詐仁
人不黨釣之死也不若聽君之命皆自殺于柎尸諸朝
納其室以分婦人國人不蠲長魚矯脅藥書中行偃公
不忍殺長魚矯曰臣脆弱不能忍俟也乃奔狄 藥書
中行偃圍厲公于匠麗氏召韓獻子獻子曰弑君以來
威非吾所能為也偃欲伐之書曰其身果而辭順犯順

不祥伐果不克舒庸人以楚師之敗道吳人圍巢及釐
虺伐駕楚襲舒庸入之 是歲燕昭公薨武公立 邾
定公薨子宣公徑立

十三年春正月庚申晉欒書中行偃囚厲公六日而弑
之厲公所以死者無德而功烈多服者衆也諸侯莫之
救百姓莫之哀魯邲人以告成公曰臣殺其君誰之過
也里革曰君之過也君人者其威大矣失威而至于殺
其過多矣 初晉襄公之曾孫桓叔捷之孫惠伯談之

子周辟難適周事單襄公立無跛視無還聽無聲言無
遠晉國有憂未嘗不戚有慶未嘗不怡襄公有疾召頃
公而告之曰必善晉周將得晉國其行也文天地所祚
小而後國敬忠信仁義智勇教孝惠讓此十一者夫子
皆有焉其昭穆又近可以得國晉仍無道而鮮胄其將
失之必早善周厲公既死欒武子使智武子覲恭子迎
周于京師庚午大夫逆于清原周曰人有元君將稟命
焉稟而棄之是焚穀二三子之虐也稟而不材是穀不

成孤之咎也二三子為令之不從故求元君而訪焉孤
之不元廢也誰怨元而以虐奉之二三子之制也圖之
進退顧由今日大夫對曰辱君之允令敢不承業乃盟
而入 甲申晦齊以慶氏之難殺國佐 二月乙酉晉
悼公即位定百事立百官育門子選賢良興舊族出滯
賞畢故刑赦囚繫宥間罪薦積德逮鰥寡振廢淹養老
幼恤孤疾年過七十公親見之稱曰王父使呂宣子將
下軍彘共子將新軍而稱呂錡之功士武子文子之德

故以彘季屏其宗使令狐文子佐之而稱魏顆退秦師
之勲以趙武為卿以士貞子帥志博聞宣惠于教右行
卒能以數宣物定功樂糾能御以和于政荀賓有力而
不暴祁奚果而不淫羊舌職聰敏肅給魏絳勇而不亂
張老智而不詐鐸遏寇恭敬而信彊籍偃惇帥舊職而
恭給程鄭端而不淫好諫而不隱使為太傅下至贊僕
伯請公族大夫公曰荀家惇惠教之則徧而不倦荀會
文敏導之則婉而人樂鷹果敢論之則過不隱韓無忌

鎮靜修之則壹使茲四人者為之魏絳犢子也 夏六月鄭侵宋遂會楚伐宋取朝邾幽丘伐彭城納宋魚石秋八月己丑魯成公薨子襄公午立年三歲 冬十一月楚伐宋晉救宋韓厥將中軍為政 十二月晉合諸侯于虛打謀救宋宋人辭諸侯而請師圍彭城晉使張老延君譽四方且觀道逆者

十四年春正月諸侯圍宋彭城彭城降晉 夏五月晉帥諸侯伐鄭入其郛 晉侵楚及陳 秋楚救鄭侵宋

鄭侵宋取犬丘 是歲王崩子靈王泄心立

資治通鑑外紀卷六

欽定四庫全書

資治通鑑外紀卷七

宋 劉恕 編

周紀五

起上章攝提格盡重光大荒落凡五十二年

靈王

元年春鄭侵宋 齊伐萊 秋七月庚辰鄭成公薨太

子僖公髡頑立晉侵鄭

二年春楚伐吳克鳩茲至于衡山 吳伐楚取駕 夏

晉祁奚辭軍尉悼公問孰可對曰臣之子午有直質而無流心非義不變非上不舉若臨大事可賢于臣公使午為軍尉軍無秕政 六月晉會諸侯盟于雞澤悼公弟揚干亂行中軍司馬魏絳斬其僕而謂公曰臣誅于揚干不忘其死君不說請死之公曰軍旅之事也公于是布命結援修好申盟而還令狐文子卒使張老為卿辭曰智仁勇學臣不如魏絳若在卿位外內必平雞澤之會其官不犯而辭順不可不賞也五命而固辭乃使

為司馬趙武將新軍魏絳佐之 秋楚侵陳 冬晉伐許

三年春三月陳成公薨子哀公溺立楚將伐陳聞喪乃止陳人不聽命夏楚侵陳 冬陳圉頓頓姬姓子爵

晉悼公譽達于戎無終子嘉父因魏絳請和諸戎于是遂伯 邾莒伐鄆魯救鄆侵邾敗于狐駘

四年秋魯大雩 冬楚伐陳十一月甲午諸侯救陳

魯子服它諫季文子曰子相二君妾不衣帛馬不食粟

人以子為愛且不華國文子曰德榮為國華吾觀國人
食簾而衣惡者多文子以告其父仲孫蔑蔑囚之七日
自是子服之妻衣不過七升之布馬餼不過狼莠文子
聞之曰過而能改民之上也使為上大夫

五年春杞桓公薨子孝公丐立 秋莒滅鄆 冬十一
月丙辰齊滅萊共公浮柔奔棠

六年冬十月晉韓厥獻子老使公族穆子受事于朝辭
曰厲公之亂無忌備公族智不能匡君使至于難仁不

能救勇不能死敢辱君朝以忝韓宗悼公曰難雖不能
死君而能讓不可不賞也使掌公族大夫庚戌宣子起
朝 楚圍陳晉會諸侯于鄆以救之 鄭子駟使賊夜
弑僖公以瘡疾赴于諸侯子簡公嘉立年五歲

七年夏四月鄭侵蔡 五月莒伐魯 秋九月魯大雩
冬楚伐鄭鄭及楚平

八年春宋災 夏晉韓起佐上軍趙武為新軍將 秋
秦侵晉 冬十月諸侯伐鄭鄭及晉成晉以諸侯復伐

鄭閏十二月次陰口而還 楚伐鄭鄭及楚平

九年夏五月甲午晉滅偃陽偃陽妘姓子爵 六月楚

鄭伐宋 晉伐秦 衛救宋鄭侵衛 秋七月楚鄭侵

魯還圍宋蕭八月丙寅克之九月鄭侵宋 莒伐魯

晉帥諸侯伐鄭冬十月楚救鄭十一月丁未晉帥諸侯

侵鄭

十年春魯季武子為三軍叔孫穆子曰天子作師公帥之以征不德元侯作師卿帥之以承天子諸侯有卿無

軍帥教衛以贊元侯伯子男有大夫無卿帥賦以從諸
侯今我小侯也處大國之間為元侯之所以怒大國無
乃不可乎弗從遂作中軍自是齊楚代討于魯 宋侵
鄭夏四月鄭侵宋諸侯伐鄭 秋七月楚乞旅于秦秦
師從楚子將伐鄭鄭伯逆之丙子伐宋九月諸侯復伐
鄭鄭人行成冬十二月鄭簡公納女工妾女樂歌鐘寶
罍輅車于晉悼公公錫魏絳女樂一八歌鐘一肆曰微
子寡人無以待戎子其受之絳徙治安邑 晉悼公與

司馬侯升臺而望曰樂夫對曰臨下之樂則樂矣德義之樂未也公曰何謂德義對曰諸侯之為日在君側以其善行以其惡戒可謂德義矣公曰孰能對曰羊舌肸習春秋乃召叔向使傳太子彪 秦伐晉以救鄭己丑秦敗晉于櫟

十一年春莒伐魯圍台魯救台遂入郛 吳王壽夢四子曰諸樊餘祭夷昧季札季札賢壽夢欲立之季札讓不可秋壽夢薨長子諸樊攝行事當國

劉恕曰太伯仲雍南之勾吳而季歷嗣周季札有三兄故不敢當吳君夫適庶之分不明則爭篡之禍迭起君子思患而豫防遠利以全身及閻廬弑王僚季札曰非我立亂立者從之先人之道也蠻夷之人仲尼稱之豈不以其知而能守節哉

冬楚秦伐宋

十二年夏鄆亂魯救亂遂滅之 晉趙武將上軍魏絳佐下軍 初楚共王多寵子而世子之位不定屈建曰

楚必多亂夫一兔走于街萬人追之一人得之貪夫知止太子者國之基而百姓之望也絕則撓亂猶兔走也共王聞之立昭太子 楚共王作宮樓未成有鹿上焉秋王有疾召大夫曰不穀不德覆楚國之師若得保首領以沒請為靈若厲王薨子囊曰事君者先其善不從其過能知其過可不謂共乎大夫從之太子康王昭立 吳侵楚戰于庸浦吳大敗

十三年春吳諸樊既除喪將立季札季札固讓乃舍之

夏諸侯從晉伐秦及涇莫濟晉叔向曰諸侯謂秦不
恭而討之及涇而止于秦何益魯叔孫穆子曰豹之業
及匏有苦葉矣不知其他叔向退召舟虞與司馬曰若
匏不材于人共濟而已叔孫將涉也具舟除隧不共有
法是行也魯莒先濟諸侯從之不獲成晉師還 四月
衛孫林父甯殖叛獻公奔齊居邾衛人立穆公孫剽是
為殤公或云子叔孫甯相之 晉舍新軍 秋楚伐吳
吳不出而還吳人要擊敗之

十四年夏齊圍魯成 秋邾伐魯 冬晉悼公薨子平

公彪立

十五年夏六月庚寅晉會諸侯伐許遂伐楚敗之復伐

許 秋齊圍魯成

十六年春宋伐陳 夏衛伐曹取重丘 秋齊伐魯

冬邾伐魯 是歲邾宣公薨子悼公華立

十七年秋齊伐魯 冬十月晉會諸侯伐齊魏絳將下

軍丙寅齊師夜遁十一月克茲邾十二月己亥焚雍門

及西郭南郭壬寅焚東郭北郭甲辰東侵及濰南及沂
楚伐鄭至虎牢而反是歲曹成公薨子武公勝立
燕武公薨文公立

十八年春諸侯取邾田自漵水歸于魯二月晉衛伐

齊齊靈公廢太子光以子牙為太子靈公疾崔杼逆

光疾病而立之夏五月壬辰晦公薨光即位是為莊公
十九年秋魯伐邾

二十年春邾庶其以漆閭丘奔魯晉欒桓子廆娶范

宣子女叔祁生懷子盈。繁卒，叔祁與老州賓通。盈患之。夏，叔祁懼，愬諸宣子曰：「盈將為亂。」宣子畏其多士，使城。著將逐之。平公謂陽畢曰：「自穆侯以至于今，恐及吾身。若之何？」對曰：「去其枝葉，絕其本根，可以少間。」欒氏之誣晉久也。欒書弑厲公，以厚其家，滅欒氏，則民威矣。起瑕原，韓魏之後而賞立之，則民懷矣。公曰：「欒書立，吾先君欒盈不獲罪，如何？」對曰：「若愛盈，則明逐羣賊，而知國倫數而遣之，彼若遠逃，乃厚其外交而勉之以報其德，不。」

亦可乎公許諾秋盡逐羣賊使祁午及陽畢適曲沃逐
欒盈盈出奔楚公令國人曰自文公以來有力于先君
而子孫不立者將授立之得之者賞欒盈之出執政使
欒氏之臣勿從其臣辛俞行吏執之公曰國有大令何
故犯之對曰臣順之豈敢犯之執政曰無從欒氏而從
君臣聞三世事家君之再世以下主之臣隸于欒氏三
世矣敢忘其死而叛其君以煩司寇公說固止之不可
厚賂之辭曰臣嘗陳辭矣若受君賜是墮其前言何以

事君乃遣之 冬十月庚子孔子生孔子名丘字仲尼
其先宋人生魯昌平鄉陬邑為兒嬉戲常陳俎豆設禮
容

二十二年春杞孝公薨弟文公益姑立 夏四月齊納
樂盈于晉曲沃盈帥曲沃之甲因魏舒入絳敗奔曲沃
秋齊莊公伐衛將伐晉晏嬰崔杼諫弗聽陳須無曰
將如君何遂伐晉取朝歌八月魯救晉初陳完敬仲生
穉孟夷穉孟夷生湑孟莊湑孟莊生須無即陳文子也

冬十月晉人克欒盈于曲沃盡殺欒氏之族黨 初

齊莊公為車五乘之賓而杞梁華舟獨不與焉歸而不食其母曰生而有義死而有名五乘之賓盡汝下也梁與舟同車侍于莊公還自晉遂襲莒公傷股明日復戰杞梁華舟下鬪獲甲首三百公曰子止吾與子同齊國二子曰君為五乘之賓而舟與梁不與焉是少吾勇也臨敵涉難止我以利是惡吾行也深入多殺臣之事也齊國之利非吾所知也壞軍陷陳三軍不敢當至莒城

下莒人曰子無死吾與子同莒國杞梁華舟曰去國歸敵非忠臣也雞鳴而期日中忘之非信也深入多殺臣之事也莒國之利非吾所知進鬪殺二十七人而死莒人行成杞梁之妻聞之而哭城為之弛而隅為之崩二十三年春魯侵齊夏楚為舟師伐吳無功而還秋齊伐莒冬楚伐鄭諸侯救鄭周穀洛鬪將毀王宮靈王欲壅之太子晉諫曰民有怨亂猶不可遏而況神乎王將防鬪川以飾宮是飾亂而佐鬪也無乃章禍

且遇傷乎王卒壅之 齊人城郊 晉平公使叔譽于
周見太子晉而與之言五稱而五窮歸告公曰太子晉
行年十五而臣勿能與言君請歸邑而與之田若不反
有天下將以為誅平公將歸之師曠曰請使暝臣往與
之言反而復之師曠見太子與之言皆稱善師曠歌無
射曰國誠寧矣遠人來觀修義經矣好樂無荒太子歌
矯曰何自南極至于北極絕境越國弗愁道遠師曠謂
太子曰汝將為天下宗乎太子曰自太皞至堯舜禹未

有一姓再有天下者吾後三年上賓于帝所汝慎無言
師曠歸未及三年告死者至 晉羊舌肸聘于周發幣
于大夫及單靖公靖公享之儉而敬賓禮贈餞視其上
而從之燕無私送不過郊叔向曰異哉吾聞一姓不再
興今有單子周其興乎昔史佚有言動莫若敬居莫若
儉德莫若讓事莫若咨單子之貺我禮也皆有焉子孫
必蕃後世不忘 初晉范宣子與和大夫爭田久而無
成宣子欲攻之司馬侯曰諸侯皆有二心是之不憂而

怒和大夫非子之任也祁午曰晉為盟主子為正卿若能靖端諸侯使服聽命于晉晉國其誰不從何必和盍密和宣子問于家老訾祏對曰吾子嗣位于朝無姦行于國無邪民將何治為宣子說乃益和田而與之和訾祏死宣子謂獻子曰昔吾有訾祏朝夕顧焉以相晉國且為吾家今吾觀女專則不能謀則無與將若之何對曰鞅也居處恭不敢安易敬學而好仁和于政而好其道謀于衆不以賈好私志雖哀不敢謂是必長者之由

宣子曰可以免身 晉平公射鵠不死使豎襄搏之失
公怒拘將殺之叔向聞之夕君告之對曰昔唐叔射兕
于徒林殪以為大甲今君射鵠不死搏之不得恥也必
速殺之勿令遠聞公恚怵趨赦之 是歲燕文公薨懿
公立

二十四年春齊伐魯 齊莊公通于崔杼妻姜氏夏五
月乙亥杼弑公邢蒯賁使晉而反將入死而報君其僕
曰君之無道四隣諸侯莫不聞也蒯賁曰子早言我能

諫之不聽我能去之不諫又不去吾將死之驅車入死
其僕曰人有亂君猶死之我有治長可無死乎結轡自
刎于車上申蒯將往赴難申詳止之曰君之無道聞于
諸侯何必死之蒯曰食無道之食衣無道之衣居無道
之位安得有道而死馳至公門崔杼不內蒯以劍斷臂
與門者杼陳入列命之蒯入門奮劍三踴而闢殺七列
不及一列而死陳不占往赴難食則失匕上車失軾其
御曰怖懼如此雖往何益不占曰死君義也無勇私也

君子不以私害義至門聞鬪戰之聲恐駭而死杼令士大夫皆脫劒入盟言不疾指不至血者死所殺十人次及晏子晏子奉栝血仰天歎曰嗚呼崔杼不忠而弑其君杼曰子從我與子分國不與吾吾將殺子直兵將推之曲兵將勾之晏子曰回以利而背其君非仁也刳以刃而失其志非勇也詩云愷悌君子求福不回嬰可回乎崔子舍之晏子趨出授綏而乘其僕將馳晏子撫其手曰麋鹿在山林其命在庖厨馳不益生緩不益生按

之成節而去丁丑崔杼立莊公弟杵臼是為景公崔杼
慶封相之 晉伐齊齊請成納賂平公許之 六月鄭
伐陳入之賂鄭以宗器乃還 秋七月晉趙武為政
舒鳩叛楚楚伐之吳救之楚敗吳師圍舒鳩八月滅之
衛獻公入于夷儀 冬十月鄭復伐陳 十二月吳
王諸樊伐楚門于巢巢牛臣射殺之弟王餘祭立初諸
樊嘉季札之義兄弟皆欲以次致國今以漸至故諸樊
稱先王壽夢之意傳弟焉季札封延陵號延陵季子

衛獻公自夷儀使與甯喜言求復國甯喜許之

二十五年春二月甯喜告蘧伯玉伯玉曰瑗不得聞君
之出敢聞其入辛卯甯喜弑殤公甲午獻公入衛 夏
楚秦侵吳聞吳有備而還遂侵鄭 六月晉會諸侯討
衛執獻公秋七月齊景公鄭簡公為獻公如晉晉許歸
之 楚椒舉奔鄭將奔晉蔡聲子將如晉遇之于鄭饗
之以璧侑曰能事晉君以為諸侯主辭曰非吾願也若
得歸骨于楚死且不朽聲子曰子尚良食吾歸子椒舉

降三拜納其乘馬聲子受之還見楚令尹子木言舉若
以晉謀楚必有豐敗子木愀然曰召之其來乎對曰亡
人得生又何不來為子木曰不來則若之何對曰資東
陽之盜使殺之可乎子木曰我為楚卿而賂盜以賊一
夫子晉非義也乃使椒鳴召其父而復之 初屈到嗜
芟有疾召其宗老而屬之曰祭我必以芟及祥宗老將
薦芟屈建命去之曰夫子承楚國之政其法刑在民心
而藏在王府上可比先王下可訓後世雖微楚國諸侯

莫不譽夫子不以私欲干國典遂不用 許靈公如楚
請伐鄭秋八月薨于楚子悼公買立 冬十月楚伐鄭
二月衛人歸衛姬于晉乃釋獻公

二十六年魯邠成子聘于晉過衛右宰穀臣止而觴之
陳樂而不樂酒酣送之以璧成子反過而弗辭其僕怪
而問之成子曰止而觴我與我歡也樂而不樂告我憂
也酒酣送之以璧寄之我也衛其有亂乎衛獻公患甯
喜專夏公孫免餘攻殺甯喜及右宰穀臣邠成子倍衛

三十里還車而臨三舉而歸使人迎穀臣妻子隔宅異之分祿而食其子長而反其璧孔子曰知可以微謀仁可以托財者郈成子之謂乎 宋向戌善于晉趙文子又善于楚令尹子木欲弭諸侯之兵晉楚齊秦許之皆告小國為會于宋秋七月辛巳盟于宋子木欲襲晉軍曰若盡晉師而殺趙武則晉可弱也叔向謂趙文子曰何患焉忠不可暴信不可犯合諸侯以為不信諸侯何望焉荆敗我諸侯必叛之子何愛于死死而可以固晉

國之盟主何懼焉楚人固請先歆叔向謂趙文子曰霸王之勢在德不在歆昔成王盟諸侯于岐陽楚為荆蠻置茆絕設望表與鮮卑守燎故不與盟今將與狎主諸侯之盟唯有德也務德所以服楚也無爭先乃先楚是行也晉以藩為軍攀輦即利而舍侯遮扞衛不行楚人不敢謀畏晉之信也 冬十一月乙亥朔日有食之二十七年春魯無冰 秋魯旱大雩 周有黑氣如日者五 冬十一月癸巳王崩子景王貴立 十二月楚

康王薨子縻立是為邾敖 魯襄公如楚及漢聞康王卒諸侯大夫欲還叔仲昭伯曰君之來也為其名與衆也今王死其名未改其衆未敗何為還義人者固慶其喜而弔其憂況畏而服焉二三子有禦楚之術守國之備則可也若未有不如往也遂行 是歲燕懿公薨子簡公欸立

景王

元年夏四月魯襄公還及方城聞季武子襲卞公欲還

出楚師以伐之榮成伯曰君不能令于國而恃諸侯其誰暱之若楚克魯置其同類以服東夷而大攘諸夏何德于君而予君也若不克君以蠻夷伐之又求入焉必不復矣不如予之武子使季冶逆公追予之璽書以告公未言榮成子曰社稷之事子實制之唯子所利何必卜季冶歸致祿而不出曰使予欺君敢享其祿而立其朝乎五月葬靈王吳子餘祭觀舟閭以刀弑之弟王夷昧立鄭宋饑六月吳季札出聘通嗣君至

魯見叔孫穆子說之請觀周樂至齊說晏平仲謂之曰
納邑與政乃免于難故晏子因陳桓子納政與邑札至
鄭見子產如舊相識適衛說蘧瑗史狗史鰭公子荆公
叔發公子朝如晉入其境歎曰暴哉入其都歎曰力闕
哉入其朝歎曰亂哉從者問其故季札曰吾見烏巢高
所以知其暴見舊室好新室惡是以知其力闕見其君
自決而不下問臣保祿而不上諫所以知其亂也見趙
文子韓宣子魏獻子及叔向而說之陳桓子無宇文子

子也初季札北過徐徐君好季札寶劍口弗敢言季札心許之為使上國未獻還至徐徐君死于楚乃解劍致之嗣君從者曰此吳國之寶也季子曰以死倍吾心是欺也愛劍偽心廉者不為嗣君曰先君無命孤不敢受季子以劍繫其墓樹而去徐人歌之曰延陵季子兮不忘故脫千金之劍兮帶丘墓 晏平仲治東阿三年齊景公召而數之曰子治而亂將加大誅晏子曰臣請改道易行三年不治臣當死之明年上計公曰善矣晏子

曰臣前之治東阿舉儉罰偷情民惡之決獄不畏彊貴
彊貴惡之事貴人不能過禮貴人惡之屬託不行貨賂
不至陂池之魚以利貧民君以為罪臣後日之治皆反
于前民飢過半矣願乞骸骨避賢者路公謝之曰子彊
為我治東阿寡人無復與焉 是歲衛獻公薨子襄公
惡立

二年夏四月蔡太子般弑景公而自立是為靈公 五
月或叫于宋太廟曰譖譖出出鳥鳴于亳社如曰譖譖

甲午大災伯姬卒 冬十月鄭子皮受子產政一年監
子不戲狎斑白不提挈僮子不犂畔二年市不豫賈三
年門不夜闢道不拾遺四年田器不歸五年士無尺籍
喪期不令而治鄭簡公謂子產曰內政無出外政無入
衣裘之不美車馬之不飾子女之不潔寡人之醜國家
之不治封疆之不正夫子之醜終簡公之身內無國中
之亂外無諸侯之患

三年春齊伐魯 夏六月辛巳魯哀公薨子野立秋九

月癸巳毀而卒襄公子昭公稠立 莒犁比公生去疾
及展與既立展與又廢之犁比公虐國人患之冬十一
月展與因國人攻犁比公弑之自立去疾奔齊

四年春正月諸侯會于號尋宋之盟三月甲辰盟鄭子
皮曰楚公子圍有執戈之前吾惑之蔡子家曰楚大國
也圍令尹也有執戈之前不亦可乎魯叔孫穆子曰服
心之文也大夫而設諸侯之服有其心矣 魯伐莒取
鄆楚令尹圍以魯食言將以叔孫穆子為戮晉樂王鮒

求貨于穆子穆子不予曰國有罪我以貨私免其若諸侯之事何余非愛貨患其不衷也罪非我之由為戮何害趙文子曰子盍逃之不幸必及于子穆子曰豹也受命于君以從諸侯之盟為社稷也苟可以安君利國美惡一心也文子將請之于楚樂王鮒曰諸侯盟未退而魯背之安用齊盟縱不能討又免其受盟者晉何以為盟主必殺叔孫豹文子曰有人不難以死安利其國可無愛乎善人在位患弗救不祥惡人在位不去亦不祥

固請于楚而免之穆子歸季武子勞之穆子曰吾不難
為戮養吾棟也棟折榱崩吾懼壓焉既免大恥而不忍
小忿可以為能乎乃見之 夏五月秦后子奔晉與趙
文子語謂其徒曰趙孟相晉國主諸侯之盟思長世之
德歷遠年之數猶懼不終其身今玩日而愒歲怠偷甚
矣非死逮之必有大咎 六月晉敗無終及羣狄于太
原 莒展與立而奪羣公子秩公子召去疾于齊秋齊
納去疾展與奔吳去疾立是為著丘公 晉平公有疾

秦景公使醫和視之曰君惑以生蠱若不死必失諸侯
趙文子曰醫及國家乎對曰上醫醫國其次疾人固醫
官也文子曰何實生之對曰物莫伏于蠱蠱莫嘉于穀
食穀者晝選男德以象穀明宵靜女德以伏蠱慝今君
一之是不饗穀而食穀也文子曰君其幾何對曰諸侯
服不過三年不服不過十年過是晉之殃也 冬楚邲
敖季父圍聘于鄭未出竟聞王有疾而還十一月己丑
圍入問王疾縊而殺之葬于邲謂之邲敖圍自立是為

靈王王弟公子比奔晉其車五乘秦后子來仕其車子
乘叔向為太傅實賦祿韓宣子問二公子之祿對曰大
國之卿一旅之田上大夫一卒之田二公子上大夫皆
一卒可也宣子曰秦公子富若之何鈞之對曰絳之富
商韋藩木楫以過于朝唯其功庸少也秦楚匹也若之
何回于富也乃均其祿 趙文子為室斲其椽而斲之
張老曰天子之室斲其椽而斲之加密石焉諸侯斲之
大夫斲之士首之今子貴而忘義富而忘禮吾懼不免

文子歸令勿驚也 趙文子問于叔向曰晉六卿其孰
先亡對曰中行氏以苛為察以欺為明以刻下為忠以
計多為功以聚斂為良譬猶鞞革者大則大笑裂之道
也

劉恕曰夫利者衆人之所趨人主之操柄上專之則
民怨望下瀆之則身鄙穢厲王近榮夷公而不知大
難幽王用虢石父而國人皆怨故曰與其有聚斂之
臣寧有盜臣不能不亡也

十二月晉趙文子卒未幾平公過九原而嘆曰嗟乎此地蘊吾良臣多矣叔向曰趙武舉士于白屋者四十六人公家賴之文子之死也四十六人皆就賓位是其無私德也公曰趙武賢臣也相晉九年天下無兵革景子成文子子也是歲邾悼公薨莊公穿立

六年春正月丁未滕成公薨子悼公寧立齊使晏嬰于晉叔向問之晏子曰齊季世其為陳氏矣公棄其民而歸于陳氏叔向曰吾公室亦政在家門其能久乎

秋八月魯大雩 九月燕簡公欲去諸大夫立其寵人

冬大夫殺公之外嬖公懼奔齊

七年春正月魯大雨雹 秋七月楚帥諸侯伐吳八月

甲申克朱方遂滅賴賴子爵 莒著丘公不撫鄆鄆叛

九月魯取鄆 冬吳伐楚

八月春正月魯舍中軍 夏莒年夷以牟婁及防茲奔

魯秋七月莒伐魯戊辰敗莒 冬十月楚以諸侯及東

夷伐吳 是歲秦景公薨子哀公立

九年春

二月

杞文公薨弟平公郁簞立

夏六月丙戌

鄭災

秋九月

魯大雩

楚靈王不修方城之內踰諸

夏而圖東國三歲于沮汾以服吳越遂伐徐吳救之楚
伐吳吳敗楚于房鍾冬十二月齊景公伐北燕將納
簡公晏子曰燕有君矣

十年春正月癸巳齊師次于號燕人行成二月戊午盟
于濡燕人歸燕姬賂齊而還燕人立悼公是歲悼公之
元年夏四月甲辰朔日有食之晉為杞取魯成

秋八月衛襄公薨子靈公元立 晉反衛戚田

十一年春石言于晉 衛靈公嘗朝晉舍于濮水之上
召師涓曰吾夜半獨聞鼓琴聲其狀似鬼神師涓端坐
援琴聽而寫之明日曰臣得之矣然未習也請宿習之
公復宿明日報曰習矣即去之晉平公置酒于施惠之
臺酒酣靈公曰寡人得新聲請奏之平公令師涓坐師
曠旁援琴鼓之未終師曠撫而止之曰此亡國之聲也
不可遂昔師延與紂作樂以為淫亂武王伐紂師延東

走抱其樂器自投濮水之中聞此聲必于濮水之上先
聞者國削平公曰寡人所好者音也願遂聞之師涓鼓
而終之 晉平公說新聲師曠曰公室其將卑乎君之
明兆于衰矣夫樂以開山川之風耀德于廣遠是以遠
服而邇不遷 平公淫六卿擅權東伐諸侯楚靈王兵
彊陵轢中國齊大而近于魯魯小弱附于楚則晉怒附
于晉則楚來伐不備于齊齊師侵 陳哀公有廢疾三
月甲申公弟招及過殺太子偃師立公子留為太子公

怒欲誅招招發兵圍公夏四月辛亥哀公自經招立留
為君使于徵師赴于楚楚人執殺之留奔鄭秋八月招
歸罪于過而殺之九月楚公子棄疾圍陳冬十一月滅
陳與嬖素克葬哀公楚使穿封戌為陳公

十二年春二月楚遷許于夷 夏四月陳災

十三年春正月有星出于婺女 夏五月齊陳桓子請
老凡公子公孫之無祿者私分之邑國之貧約孤寡者
私與之粟陳氏始大桓子生強啓是為武子 晉平公

游于河曰安得賢士與之樂此乎船人蓋胥跪而對曰
劍出于越珠出江海玉出崑山無足而至者君好之也
士有足而不至者君不好耳公曰吾食客門左千人門
右千人朝食不足夕收市賦莫食不足朝收市賦可不
謂之好士乎蓋胥曰鴻鵠一舉千里所恃者六翮耳背
上之毛腹下之毳蓋之飛不加高損之飛不加下今君
食客二千人亦六翮邪亦腹背之毛毳邪 晉藏寶臺
災三日三夜而止公子晏東帛而賀平公悖然作色曰

天火燒國之重寶士大夫趨車走馬而救之子獨賀何也晏曰王者藏于天下諸侯藏于百姓農夫藏于困庾商賈藏于篋匱今百姓乏絕而收大半之賦是以天火燒之昔桀賦歛無度殘賊海內故湯誅之皇天降災乃君之福也公曰自今已後請藏于百姓平公問于師曠曰人君之道何如對曰清淨無為務在博愛趨在任賢廣開耳目以察萬方不牽制于流俗不拘繫于左右屢省考績以臨臣下此人君之本也公曰善平公出

田見乳虎伏而不動顧謂師曠曰吾聞伯王之主出則
猛獸伏不敢起對曰鵲食鴇鴇食駿驤驤食豹豹食
駸駸食虎夫駸狀似駸馬君驂駸馬乎公曰然師曠曰
一自誣者窮再自誣者辱三自誣者死今虎為駸馬非
君之德義奈何一自誣乎平公異日出朝有鳥環而不
去公謂師曠曰吾聞伯王之主鳳下之對曰東方有鳥
名曰珂文身朱足憎鳥而愛狐君必衣狐裘以出朝乎
公曰然師曠曰君奈何再自誣乎公不說異日置酒虎

祁之臺布蒺藜于陛上令人召師曠師曠履而上堂公
曰安有人臣履而上人主堂乎師曠解履刺足蒲伏刺
膝仰天而嘆公起引之曰與叟戲叟遽憂乎對曰肉生
蠱還自食也木生蠹還自刻也人生妖還自賊也五鼎
之具不當烹藜藿人主堂殿不當生蒺藜公曰為之奈
何師曠曰妖已在前來月當立太子君將死矣秋七月
戊子平旦公謂師曠曰叟以今日為期寡人如何師曠
不樂謁歸未到平公薨子昭公夷立 魯伐莒取郕

冬十二月宋平公薨子元公佐立

十四年春三月丙申楚靈王享蔡靈公于申醉而執之
夏四月丁巳殺之使公子棄疾圍蔡冬十一月滅蔡用
隱太子于岡山 十二月楚城陳蔡不羹靈王問于范
無宇曰吾城三國賦皆千乘亦當晉矣又加之楚諸侯
其來乎對曰國為大城未有利者昔魯有弁費弱襄公
晉有曲沃納齊師秦有徵衙難桓景夫制城邑若體性
焉大能掉小故變而不勤邊境國之尾也而不能掉臣

亦懼之王曰是知天咫安知民則右尹子革曰知天必
知民是言可以懼哉 初楚靈王不君其臣箴諫不入
築臺于章華之上闕為石郭陂漢以象帝舜與伍舉升
章華臺曰臺美夫對曰國君服寵以為美不聞以土木
崇高彫鏤為美今君為此臺國民罷焉財用盡焉年穀
敗焉百官煩焉舉國惡之臣不知其美也楚其殆矣
是歲龍赤三里

十五年春齊高偃納北燕簡公于唐 三月鄭簡公薨

子定公寧立 秋八月壬午晉滅肥以肥子緜臯歸

冬十月楚圍徐以懼吳 晉伐鮮虞 楚靈王虐白公

子張驟諫王患之謂史老曰吾欲已子張之諫對曰用
之實難已之易矣若諫君則曰凡百箴諫吾盡聞之矣
白公又諫王如史老之言對曰君未及武丁而惡規諫
不亦難乎齊桓晉文不敢淫逸近臣諫遠臣謗與人誦
以自誥也君欲自逸臣懼民之不信也遂趨而退杜門
不出七月乃有乾谿之亂

十六年夏楚靈王在乾谿其民不忍飢勞之殃三軍叛王王弟蔡公棄疾殺太子祿立其兄比為王使觀從至乾谿令楚衆曰國有王矣先歸復爵邑田室後者遷之王衆皆潰王獨行屏營彷徨于山林之中三日乃見其涓人疇王呼之曰予不食三日矣涓人趨而進曰新王下法有敢饗王從王者罪及三族王枕其股以寢于地王寐疇枕王以撲而去之王覺而無見也匍匐將入于棘聞棘闌不納遂飢不能起茅尹無宇之子申亥曰吾

其從王乃求王遇王飢于釐澤奉之以歸五月癸亥王
縊申亥土埋之其室是時楚國雖已立比為王不聞靈
王死畏其復來國人每夜驚曰王入矣乙卯夜棄疾使
船人從江上走呼曰王至矣國人愈驚棄疾使蔓成然
告比及其弟令尹子皙曰君早自圖又有呼而走至者
曰衆至矣二子皆自殺丙辰棄疾即位改名熊居是為
平王葬比于訾謂之訾敖殺囚衣之王服而流諸漢取
而葬之以靖國人他年辛尹申亥以王樞告乃改葬之

平王以詐弑兩王自立恐國人及諸侯叛之乃施惠百姓修政教存恤國中復立陳蔡之後 秋七月晉將合諸侯于平丘八月邾莒翹魯于晉甲戌同盟于平丘魯昭公弗得與盟子服惠伯曰晉信蠻夷而棄兄弟必失諸侯失其政者必毒于人魯懼及焉不可不恭使上卿從之季平子曰然則意如乎晉必患我誰為之貳子服惠伯曰叔既言矣敢逃難乎請從晉人執平子 晉侵鮮虞 楚求故陳哀公悼太子偃師之子吳于晉立為

陳侯是為惠公故蔡靈公隱太子有之子廬立為蔡侯
是為平公 冬十月吳取楚州來 魯子服惠伯見晉
韓宣子曰晉為盟主主信也盟而棄魯信抑闕矣無乃
得蠻夷而失諸侯之信乎宣子乃歸平子 是歲燕悼
公薨共公立

十七年秋八月莒著丘公薨子郊公狂立國人弗順冬
十二月蒲餘侯殺莒公子意恢郊公奔齊公子鐸逆著
丘公之弟庚與於齊而立之是為共公昔柱厲叔事莒

敖公自以為不知而去居于海上夏則食菱芡冬則食
橡栗莒敖公有難柱厲叔將往死之其友曰子自以為
不知故去今又死之是知與不知無異別也柱厲叔曰
死而弗往是果知我也吾將死之以醜後世人主之不
知其臣者所以激君人之行而厲人臣之節也或云郊
公即敖公或曰非也 晉叔魚為贊理納雍子女而抑
邢侯邢侯殺叔魚及雍子韓宣子患之叔向曰以回鬻
國之中絕親以買直非司寇而擅殺其罪一也叔魚叔

向母弟羊舌鮒也叔魚之生其母視之曰是虎目而豕喙鵠肩而牛腹谿壑可盈是不可饜也必以賄死遂不視叔向嘗見韓宣子宣子憂貧叔向賀之宣子曰吾有卿之名而無其實叔向曰若不憂德之不建而患貨之不足將弔不暇何賀之有宣子拜稽首曰起也將亡賴子存之叔向見司馬侯之子撫而泣之曰自其父之死吾蔑與比而事君昔其父始之我終之我始之夫子終之無不可籍偃曰君子有比乎叔向曰君子比而

不別比德以贊事比也引黨以封已利已而亡君別也
是歲曹武公薨子平公須立

十八年秋八月晉中行穆子伐鮮虞圍鼓覬聞倫曰鼓
之嗇夫聞倫知之請無罷武夫而鼓可得穆子弗應左
右曰不折一戟不傷一卒而得鼓君奚為弗使穆子曰
聞倫為人佞而不仁若下之可勿賞乎賞之是賞佞人
佞人得志晉國將舍仁而為佞雖得鼓焉用之鼓人請
以城叛穆子不受曰守而二心姦之大者賞善罰姦國

之憲法許而弗予失吾信也若其子之賞大姦而教吾
邊鄙貳也令軍吏呼城儆將攻未傳而鼓降以鼓子苑
支來既獻而反之 初晉董叔將娶于范氏叔向曰范
氏富盍已乎曰欲為繫援他日董祁嬖于范獻子獻子
執而紡于庭之槐叔向過之曰子盍為我請乎叔向曰
求繫既繫矣求援既援矣欲而得之又何請焉 晉趙
簡子鞅曰魯孟獻子有鬪臣五人我無一何也叔向曰
子不欲也若欲之矜也待交梓可也鞅景子成之子也

是歲吳王夷昧薨欲授國于季札季札讓逃去吳人曰先王有命兄卒弟代必致季子今季子逃位則王夷昧後立其子當代乃立夷昧之子僚為王

劉恕曰世本曰夷昧生光而及僚服虔曰夷昧生光而廢之夷昧卒庶兄僚代立光曰我王嗣也班固曰司馬遷采世本為史記而今之世本與史記不同未詳孰是

十九年春正月齊伐徐 晉誘戎蠻子嘉殺之遂取蠻

氏既而復立其子 秋八月晉昭公薨子頃公去疾立

六卿彊公室卑 九月魯大雩 鄭大旱

二十年夏六月甲戌朔日有食之 是時晉楚彊盛威

服諸戎自轅轅之東在河南山北者其種滋廣號曰陰

戎與陸渾伊洛戎事晉而蠻氏從楚至是陸渾叛晉秋

九月丁卯晉荀吳帥師滅陸渾之戎陸渾子奔楚其後

楚執蠻氏盡囚其人 冬有星孛于大辰 吳伐楚戰

于長岸大敗吳吳大敗楚

二十一年春三月曹平公薨子悼公午立 夏五月戊寅風甚壬午大甚宋衛陳鄭火 六月邾襲郕入之邾
婁姓子爵 冬楚遷許于析 是歲周景王將鑄大錢
單穆公曰古者民患輕則作重幣以行之為母權子若
不堪重則作輕而行之亦不廢重為子權母小大利之
今廢輕而作重民失其資能無匱乎絕民用以實王府
猶塞川原而為潢汙竭無日矣王弗聽 燕共公薨平
公立

二十二年春二月宋伐邾圍蟲三月取之 夏許悼公
瘡五月戊辰飲太子止之藥薨止奔晉悼公子斯立
楚為舟師伐濮 初楚平王使伍舉之子奢為太子建
師費無極為少師無極不忠于太子無寵常讒惡太子
王使無極為太子娶婦于秦無極馳歸報王曰秦女絕
美王可自取更為太子取婦平王聽之太子母蔡女也
無寵于王王稍疏建無極去太子而事平王言于王曰
晉近諸夏所以伯楚僻遠故不能與之爭若大城城父

而置太子以通北方王收南方得天下也王說從之使
建居城父 秋齊伐莒入紀共公出奔 冬楚取吳州
來 鄭大水龍闕于時門之外洧淵

二十三年春二月楚費無極日夜言太子短于平王伍
奢游人于王側言太子仁勇得民心王以告無極無極
曰太子以秦女之故不能無怨望自居城父內撫百姓
外約諸侯其事已構平王召伍奢考責之奢曰王奈何
以小臣疏骨肉之親王囚奢使城父司馬奮揚殺太子

三月太子奔宋無極曰奢二子皆賢不殺為楚國患王
謂奢曰能致二子則生不能將死奢曰尚之為人庶死
節慈孝而仁聞召免父必不顧其死而至員知而好謀
勇而矜功剛戾忍詢能成大事知來必死必不來王使
人召二子曰來吾生女父伍尚欲往員曰至則父子俱
死而讎不得報不如奔他國借力以雪父恥尚曰我知
往終不能全父然恨父召我以求生而不往後不能雪
恥為天下笑謂員曰女能報讎我將歸死尚既就執員

彎弓屬矢將射使者使者不敢逼員遂出亡奢聞員不
來曰楚國君臣且苦兵矣王殺奢與尚員聞太子建在
宋往從之道逢其友申包胥員曰吾將復楚以雪父兄
之恥申包胥曰子能亡之吾能存之員至宋宋有華氏
之亂與建奔鄭鄭人甚善之建又適晉晉頃公曰鄭信
太子太子能為內應我攻其外滅鄭必矣許以鄭封太
子太子還鄭事未成從者知其謀而告之鄭定公與子
產誅建員懼與建子勝俱奔吳到昭關吏欲執之員與

勝步走追者在後幾不得脫至江上一漁父乘船知其
急而渡之員既絕渡漁父視則有飢色以麥飯飽魚羹
盎漿食之員問其名族不肯告解劍與之曰此值千金
父曰楚國之法得伍子胥者爵執珪祿萬擔金千鎰豈
徒千金劍耶不受子胥員字也將去誠漁父曰掩子之
盎漿無令其露漁父曰諾員行數步顧視漁父覆船自
沈于水中員奔至吳說王僚以伐楚之利公子光曰子
胥父兄僂于楚欲自報讎未見其利員知光有他志未

可說以外事求勇士堂邑縛設諸見之光光喜乃客員員
退而與勝耕于野以待縛設諸之事光者王諸樊子也
曰以兄弟次邪季子當立必以子乎則光真適嗣常陰
納謀臣賢士欲襲王僚是歲鄭子產卒蔡平公薨
太子朱立景王將鑄無射問律于伶州鳩對曰古之
神瞽考中聲量之以制度律均鍾百官軌儀紀之以三
平之以六成于十二天之道也律呂不易無姦物也王
又為之大林單穆公曰先王之制鍾也大不出鈞重不

過石律度量衡于是乎生小大器用于乎出故聖人
慎之三年之中而有離民之器二焉國其危哉王弗聽
問之伶州鳩對曰細過其主妨于正用物過度妨于財
正害財匱妨于樂細抑大陵不容于耳非和也聽聲越
遠非平也非宗官之所司也無益于教而離民怒神非
臣之所聞也王卒鑄大鐘

二十四年春鐘成伶人告和伶州鳩曰上作器民備樂
之則為和財亡民罷莫不怨恨臣不知其和也王曰爾

老耄矣何知及王崩鍾不和 夏晉士鞅聘于魯問具
山教山魯人以其鄉對曰先君獻武之諱鞅歸戒其所
知曰吾適魯而名其二諱為笑焉唯不學也木有枝葉
猶庇廕人況君子之學乎 宋少司馬華軀刼其父司
馬費遂而召亡人以南里叛 秋七月壬午朔日有食
之 冬十月華登以吳師救華氏丙寅齊師宋師敗吳
于鴻口華登帥其餘以敗宋師元公敗華氏于新里十
一月晉齊衛救宋大敗華氏圍南里 楚費無極取貨

于蔡侯朱叔父隱太子之子東國而謂蔡人曰楚王將
立東國若不先從必圍蔡蔡人懼出朱而立東國是為
悼侯 鼓叛晉

二十五年春二月甲子齊伐莒莒敗齊于壽餘莒公伐
莒莒子行成 楚使薳越告于宋請出華氏宋人從之
己巳華驅華登等出奔楚 景王長庶子朝有寵于王
欲立之夏四月乙丑王崩子猛立 六月晉襲鼓滅之
以鼓子苑支來令鼓人各復其所非僚勿從鼓子之臣

風沙矐以其孥行軍吏執之辭曰我君是事非事土也
名曰君臣豈曰土臣今君實遷臣何賴于鼓中行穆子
召之曰鼓有君矣對曰臣委質于狄之鼓未委質于晉
之鼓委質為臣無有二心敢即私利以煩司寇穆子嘆
而謂左右曰吾何德之務而有是臣也乃使行言于頃
公與鼓子由子河陰使風沙矐相之 丁巳葬景王王
子朝作亂敗奔京 冬十一月乙酉王子猛卒周王謚
曰悼王己丑猛母弟敬王旬即位

文選卷之八

漢書卷之八

七

資治通鑑外紀卷七